



公羊

十四之十六

文
宣

服部文庫
117
198
4



117
198
4

猶



春秋公羊註疏文公卷第十四

起十年
盡十八年

漢何休學

十年春王三月辛卯臧孫辰卒

夏秦伐晉謂之秦者起令狐之戰敵均不敗晉先昧

以師奔秦可以足矣而不知止故夷狄之

楚殺其大夫宜申

自正月不雨至于秋七月公子遂之所招

及蘇子盟于女栗女音汝本亦作汝

冬狄侵宋

公羊疏

卷第十四

及古開

楚子蔡侯次于屈貉

魯恐故書刺微弱也。○屈貉居

厥下音麥，又戶各反。二傳作厥貉。

十有一年春，楚子伐圍。

○圍求阮反，一音卷。說文作

夏，叔彭生會晉卻缺于承匡。

秋，曹伯來朝。

公子遂如宋。

狄侵齊。

冬十月甲午，叔孫得臣敗狄于鹹。○狄者何？以日嫌

夷狄不能偏戰，故問也。○鹹，音咸。以日至問也。○解

天

戰日詐戰月夷狄不能偏長狄也。蓋長百尺。

戰今而書日，故執不知問。長百尺。○解云：何氏蓋取關中記云：秦始皇二十六年有長人十二，見於臨洮，身長百尺，皆夷狄服。天誠

若曰：勿大為夷狄行，將滅其國。始皇不知，反喜是時初併六國，以為瑞，乃收天下兵器鑄作銅人十二，象

之是也。其文穀梁左氏與兄弟三人。言相類如兄

弟。言相類如兄弟。○解云：正以別之一者之齊。

一者之魯，一者之晉。不書者外異也。

○解云：按上文狄侵齊而云不書者，蓋以為侵齊之狄非此等也。其之齊者，王子成父

殺之。其之魯者，叔孫得臣殺之。經言敗殺不明，故

復云爾。○復扶。則未知其之晉者也。其言敗何？據

復云爾。又反。則未知其之晉者也。其言敗何？據

敗者內戰文非殺一人也

疏敗者至人也。○解云以春秋之義內魯為王

王於諸侯無敵之義但當言戰戰則是內敗之文言敗某師則是內戰之文今敵其一人而言敗狄于鹹作內戰之經故難之**大之也****疏**長狄之三國皆欲為君長大非

一人所能討與師動眾然後殺之如大戰故就其事

言敗**疏**長狄至為君。○解云正以各之一國故也

疏何者雖非兄弟若不為君羣行亦得即長人

臨洮是也**其日何****疏**据日而言敗與公子友敗莒師

于犁同非殺一人文。○犁力知反**疏**据日至人文

年冬十月子午公子友帥師敗莒師于犁獲莒挈傳

不與為是與師而伐魯**大之也****疏**如結日大戰其地

何大之也**疏**如大戰故地何以書記異也**疏**魯成就

周道之封齊晉霸尊周室之後長狄之操無羽翮之

助別之三國皆欲為君此象周室衰禮義廢大人無

輔助有夷狄行事以三成不可苟指一故自宣成以

往弑君二十八亡國四十**疏**行下**疏**魯成就周道

以周公相成王而致太平意封于魯故云爾**疏**齊

晉至之後。○解云正以晉文齊桓皆率諸侯尊事天

子此是齊晉之君子孫故云爾。○長狄至之助。○

解云謂執持此意也。○事以三成。○解云即長狄

之三國共成其異是也。○言不可苟指一者明知其異

亦不苟指一事而已。○故自宣成至四十。○解云

按今春秋之經自宣成以下訖于哀十四年止有弑

君二十亡國二十四則知此註誤也宜云弑君二十

公羊疏

也八是衍字亡國二十四也作四十者錯也其弑君
 二十即宣二年趙盾弑其君夷犂四年歸生弑其君
 夷十年夏徵舒弑其君平國襄二十五年崔杼弑其
 君光吳子謁伐楚門于巢卒為巢人所弑二十六年
 衛甯喜弑其君剽二十九年闞弑吳子餘祭三十年
 蔡世子般弑其君固三十一年莒人弑其君密州昭
 八年陳招弑偃師十一年楚子虔誘蔡侯般殺之十
 三年公子比殺其君虔棄疾殺比十九年許世子止
 弑其君買二十三年吳殺胡子髡沈子楹二十七年
 吳弑其君僚定四年蔡殺沈子嘉十三年薛弑其君
 比哀六年齊陳乞弑其君舍之屬是也其滅國二十
 四者宣八年楚滅舒蓼十二年楚滅蕭十五年晉滅
 潞氏十六年滅甲氏及留吁成十七年楚滅舒庸襄
 六年莒人滅鄆齊滅萊十年遂滅偃陽十三年取郟
 二十五年楚滅舒鳩昭四年遂滅厲八年楚滅陳十
 一年楚滅蔡十七年晉滅賁渾戎二十三年胡子髡
 沈子楹滅二十四年吳滅巢三十年吳滅徐定四年
 蔡滅沈六年鄭滅許十四年楚滅頓十五年楚滅胡

哀八年宋滅曹之屬是其二十四也然則三國變異
 起自今年而註者所以不言自今以後而言自宣成
 以往者蓋以文公之年已過半以後既不得其初故
 遺去其實楚人滅庸宋弑處曰莒弑庶其之屬皆由
 此禍耳或者弑君二十八亡國四十者春秋
 秋說文其間亦有經不書者故不同耳

十有二年春王正月盛伯來奔盛伯者何失地之君

也何以不名兄弟辭也與郟子同義月者前為魯

所滅今來見歸猶當加意厚遇之盛伯者何解

見存文欲言大夫而經書伯故執不知問何以不
 名○解云桓七年夏穀伯綏鄧侯吾離來朝之下傳
 云皆何以名失地之君也是以此處見道失地之君
 即責云何以不名然則何氏此處不言据穀鄧名者
 正以僖公二十年郟子來朝之下已註訖故也○郟
 與郟子同義○解云即僖二十年郟子來朝傳云郟

子者何失地之君也何以不名兄弟辭也何氏云郕魯之同姓故不忍言其絕賤明當尊遇之異於穀鄧也書者喜內見歸是也然則言同義者謂尊遇兄弟異於他姓是以不忍言其名不謂朝奔之文相似○此特書月故須解也言前為魯所滅者即莊八年夏師及齊師圍成成降于齊師傳云成者何盛也盛則曷為謂之成諱滅同姓也是也

杞伯來朝

二月庚子子叔姬卒

卒者許嫁

卒者許嫁○解云舊本皆無此註

且理亦不須疑衍字○此未適人何以卒許嫁矣婦人許嫁字而笄之死則以成人之喪治之其稱子何○據伯姬卒亦許嫁不稱子○此未至以卒○解云正以故無所繫故知未適人也○

伯至稱子○解云即僖九年秋七月乙酉伯姬卒是也

貴也其貴奈何母弟也

不稱母妹而繫先君言子者遠別也禮男子不絕

婦人之手婦人不絕男人之手○禮男子至之手○

大記皆有此文

夏楚人圍巢

秋滕子來朝

秦伯使遂來聘○遂者何秦大夫也秦無大夫此何以

書賢繆公也何賢乎繆公○據聘不足與大夫荆人

來聘是也○使遂二傳○秦伯使遂來聘○解云左氏穀梁皆作術字經亦有

作術字者疑遂字誤。○遂者何。○解云欲言微者書名見經欲言大夫不錄其氏故執不知問。○**國**荆人來聘傳云荆何以稱人始能聘也是也。○**國**以為能變也。

其為能變奈何惟譏譏善曄言。○譏譏淺薄之貌。曄猶撰也。○譏譏徐在淺反。又子淺反。又音賤尚書截

井反撰也。本或作譏皮勉反。又必。○惟譏譏善曄言淺反。本作譏七全反。又仕勉反。○**國**解云謂其念

有淺薄之善。○**俾君子易怠**。○**國**俾使也。易怠猶輕惰也。○**國**俾必爾反。註同使也。易。○**國**俾君子易怠。○解云能以鼓反。註同惰。大臥反。○**國**撰善言故謂之君子言

使此君子易為輕惰何者自恃其善而欲慢人以自尊矣。○**而況乎我多有之惟一**

介斷斷焉無他技。○**國**一介猶一槩斷斷猶專一也。他

一介猶一槩也。尚書音古貨反。斷斷丁亂反。專一也。註同。技其綺反。槩古愛反。奇其宜反。本又作琦同。

○**國**而況至有之。○解云我謂秦伯也。言況於秦伯之懷其善言無算故曰多有之。○惟一至他技。○解云秦伯之善雖曰無算若思念之皆是一槩專一之事更無奇巧異端之術言其醇粹其善無擇矣。○**國**斷斷至異端。○解云即鄭註大學云斷斷誠一之貌也。他技異端之技也是與此合。○**其心休休**

休休美大貌。○**國**休休許虬反。美大貌。○**能有容**。○**國**能含容賢者

逆耳之言是難也。○**國**是難行也。秦繆公自傷前不能用百里子蹇叔子之言感而自變悔遂霸西戎故因其能聘中國善而與之使有大夫子貢曰君子之過

其能聘中國善而與之使有大夫子貢曰君子之過

其能聘中國善而與之使有大夫子貢曰君子之過

其能聘中國善而與之使有大夫子貢曰君子之過

其能聘中國善而與之使有大夫子貢曰君子之過

其能聘中國善而與之使有大夫子貢曰君子之過

其能聘中國善而與之使有大夫子貢曰君子之過

其能聘中國善而與之使有大夫子貢曰君子之過

其能聘中國善而與之使有大夫子貢曰君子之過

其能聘中國善而與之使有大夫子貢曰君子之過

其能聘中國善而與之使有大夫子貢曰君子之過

其能聘中國善而與之使有大夫子貢曰君子之過

其能聘中國善而與之使有大夫子貢曰君子之過

其能聘中國善而與之使有大夫子貢曰君子之過

其能聘中國善而與之使有大夫子貢曰君子之過

其能聘中國善而與之使有大夫子貢曰君子之過

其能聘中國善而與之使有大夫子貢曰君子之過

也如日月之食焉過也人皆見之更也人皆仰之此之謂也

解云事在僖三十三年

冬十有二月戊午晉人秦人戰于河曲

傳此偏戰也何

以不言師敗績敵也曷為以水地

傳以水地者謂以

水曲折起地遠近所在也据戰于泓不言曲

○折之設反

解云以其書日故知之

○据戰于泓

于泓宋師敗績是也

河曲疏矣河千里而一曲也

傳河曲流以

据地明故可以曲地因以起二國之君數與兵相伐

戰無已時故不言及不別曲直而地以河曲明兩曲

也

○數所角反不別彼列反下同

季孫行父帥師城諸及運

傳言帥師者刺魯微弱臣下

不可使邑久不修不敢徒行與師厲衆然後敢城之

言及者別君邑臣邑也

○運二傳作

○帥師至城

此註者正見隱七年夏城中丘之屬皆不言帥師故也言臣下不可使者即上八年公孫敖如京師不至復丙戌奔莒傳云不至復者何不至復也內辭也不可使往也之屬是也

○言及至邑也

○解云正見

十有三年春王正月

公羊疏

卷之十四

汲古閣

夏五月壬午陳侯朔卒。不書葬者，盈為晉文諱也。晉

文雖霸，會人孤以尊天子，自補有餘，故復盈為諱。盈

為于偽反，下文盈為為。盈者相接，足之辭。晉文於

僖二十八年之時，此朔之父陳侯款，夏六月卒，至冬

未葬，而晉文會諸侯於溫，經有陳子，是強會人孤

令失子行，亦是文公恥之，是以春秋遂卒，竟不書款

葬，深為文公諱也。今若款之子陳侯朔書葬，則文公

之惡還見，是以此處須去朔葬，使若陳國之君例不

書葬，然故言盈為晉文諱，故僖二十八年夏陳侯款

卒之下，註云不書葬者為晉文諱，行霸不務教人

以孝，陳有大喪而疆會其孤，故深為恥之，是也。

邾婁子遽條卒。○遽條其居。公子遂所致。

自正月不雨，至秋七月。公子遂所致。

世室屋壞。世室者何？魯公之廟也。魯公周公子伯

禽。○世室二。世室者何？解云：欲言君寢於例不

禽。傳作大室。書欲言宗廟，未有世室之名，故執不

知。周公稱大廟，魯公稱世室，羣公稱宮。少差異具

問。下者所以尚尊周公。○大廟音。周公稱大廟。○解

大廟文二年大事于大廟是也。○魯公稱世室。○解

云：即此經是也。○羣公稱宮。○解云：即武宮煬宮之

屬是也。○少差至周公。○解云：正以廟者尊卑達

名鬼神所居之稱。今此稱異其名，知上尊周公故也。

此魯公之廟也。曷為謂之世室？世室猶世室也。世世

不毀也。魯公始封之君，故不毀也。世室猶世室

謂之世室者。周公何以稱大廟于魯？據魯公始封

猶世世室也。

公羊疏

卷二十四八

也封魯公以為周公也。為周公故語在下。周公拜

乎前魯拜乎後。始受封時拜于文王廟也。尚書曰

用命賞于祖是也。父子俱拜者明以周公之功封魯

公也。尚書至于祖。日生以養周公。生以魯

國供養周公。以養餘亮反。註皆死以為周公主。

如周公死當以魯公為祭祀主。加曰者成王始受其

茅土之辭。禮記明堂位曰封周公於曲阜地方七百

里。革車千乘。蓋以為有王功。故半天子也。死以為

以為周公主同。乘。加曰至之辭。解云即周書

繩證反。王于況反。作洛篇曰封人社壇。諸侯受命

于周乃建大社于國中其遺東青土南赤土西白土

北驪土中央黧以黃土將建諸侯鑿取其一面之土

包以黃土苴以白茅以為社之封孔氏云王者封五

色土為社建諸侯則各割其方土與之使立社燾以

黃土苴以白茅茅取其潔黃取其王者覆四方者是

其茅土之文耳。蓋以至子也。解云正以天子

千里方百里者百。周公七百里方百里。然則周公之

者四十九大判言之故得言半天子矣。然則周公曷

魯乎曰不之魯也。封魯公以為周公主。然則周公曷

為不之魯。據為周公者謂生以養周公死以為周

公主。周公不之魯則不得供養為主。欲天下之一乎

周也。周公聖人德至重功至大東征則西國怨西

征則東國怨嫌之魯恐天下迴心趣鄉之故封伯禽

一作白牡 註同

命使遙供養死則奔喪為主所以一天下之心于周

室。○鄉許解云東征至東國怨。魯祭周公何以爲

牲。○解云據廟異也。周公用白牲。○白牲殷牲也。周公死

有王禮謙不敢與文武同也。不以夏黑社者謙改周

之文當以夏辟嫌也。○解云不以至嫌也。○解云知黑

朔三而改。改天正十一月者當以夏矣。魯公用騂牝。○騂牝

亦春周牲也。魯公以諸侯不嫌故從周制以春爲差

矣。○騂息營反。牝音對。○解云正以詩作剛。騂牝赤春也。○解云山春曰剛。故知騂牝爲赤春

矣。羣公不毛。○不毛不純色所以降于尊祖。○解云不

尊祖。○解云正以牲用純色祭祀之禮而言不毛故以降于尊祖解之。魯祭周公何以

爲盛。○解云據牲異也。○解云盛成政反。又音成。周公盛。○盛

者新穀魯公燾。○燾者冒也。故上以新也。○解云燾徒報

濤音同日也。○解云燾者至新也。○解云正以燾詰爲

冒亡報反。○解云覆故也。若似周書燾以黃土之類也。然則言周公盛者謂新穀滿其器言羣公廩者

連新於陳上財令半相連爾。此謂方祿祭之時序昭

穆之差。○解云廩力甚反。財羣公廩。○解云廩謂全是

得相連而已。故謂之廩。廩者希少之名。是以鄭注云

廩讀如羣公廩之廩者是也。○解云謂方至之差。○解云云正以若其時祭案食精鑿羣公之饌一何至此故知正是祿祭之時序昭穆之差所以降于尊祖故也。

上

世室屋壞何以書譏何譏爾久不修也

簡忽久不以時修治至令壞敗故譏之言屋者重宗廟詳錄之

以不務公室書月者知久不修當蒙上月

月○解云當蒙上月者謂蒙上秋七月也○不務公室者即定二年冬十月新作雉門及兩觀傳云其言新作之何修大也修舊不書此何以書譏何譏不務乎公室何氏云務勉也不務公室亦可施於久不修亦可施於不務如公室之禮微辭也月者久也當即修之如諸侯禮是也然則彼久不修是以書月此亦久不修故知當蒙上月耳

冬公如晉衛侯會于沓

○沓徒合反

狄侵衛

時

十有二月己丑公及晉侯盟還自晉鄭伯會公于斐

還者何善辭也何善爾往黨衛侯會公于沓至得與

晉侯盟反黨鄭伯會公于斐故善之也

黨所也所猶是齊人語也文公前扈之盟不見序後能救鄭之

難不逆王者之求上得尊尊之義下得解患之恩一

出三為諸侯所榮故加錄于其還時皆深善之

○斐本又作棐芳尾反還者何○解云正以不言至而言還難乃且反異於常例故執不知問○文公至見序○解云即上七年秋公會諸侯晉大夫盟于扈傳云諸侯何以不序大夫何以不名公失序也是也○後能至之難○解云即上九年春楚人伐鄭公子遂會晉人宋人衛人許人救鄭是也○不逆王

者之求。○解云。即上九年春毛伯來求金。經無不與之文。是也。○**圍**上得至之義。○解云。即不逆王者之求。是也。○**圍**下得至之恩。○解云。即公子遂救鄭是也。

十有四年春王正月公至自晉。○**圍**月者。為臣子喜錄上

事。○為臣子偽反。○**圍**月者。至上事。○下為後當為同。○**圍**解云。出上文也。

邾婁人伐我南鄙。

叔彭生帥師伐邾婁。

夏五月乙亥齊侯潘卒。○**圍**不書葬者。潘立儲嗣不明。乍

欲立舍。乍欲立商人。至使臨葬。更相篡弑。故絕其身。

明當更立其先君之次。○潘。晉于反。更。相音庚。下。英。楚。更同。篡。弑。申。心。反。下。同。

圍至使至篡弑。○解云。即下九月齊公子商人弑其君舍。是其臨葬相篡弑之文。

六月公會宋公陳侯衛侯鄭伯許男曹伯晉趙盾癸酉

同盟于新城。○**圍**盟下日者。刺諸侯微弱。信在趙盾。○

徒本。○**圍**盟下至趙盾。○解云。言信任在於趙盾。若反。○**圍**如盟日定否。趙盾制之。然。是以下日以近之。

秋七月有星孛入于北斗。○**圍**孛者何。○解云。欲言是星星也。○**圍**狀如彗。

○孛。步內反。○**圍**孛者何。○解云。欲言是星星名。未有徐扶憤反。○**圍**欲言非星。錄為星稱。故執不知問。

其言入于北斗何。○**圍**據大辰不言入。又不言孛名。○**圍**

據大至言入。○解云。即昭十七年冬有星孛于大辰是也。○**圍**又不言孛名。○解云。謂昭十七年直言于大辰。不言所孛之星名。今此言有星孛入于北斗。故難之何者。大辰非星名。故也是以昭十七年傳云。

其言于大辰何彼註云据北斗言入于大辰非常名是也**北斗有中**也**中者魁**

之象也北斗天之樞機玉衡七政所出是時桓文迹

息王都不能統政自是之後齊晉並爭吳楚更謀競

行天子之事齊宋莒魯弑其君而立之應

關○爭爭

關北斗至所出○解云即堯典云在璇璣玉衡以齊

七政七政謂日月五星也○**關**齊宋至之應○解云

即下文九月齊公子商人弑其君舍十八年夏五月

齊人弑其君商人是齊弑君事也十六年冬宋人弑

其君處曰是宋弑其君事也十八年冬莒弑其君庶

其是莒弑其君事也何以不曰隱之也何隱爾弑也

者孰謂謂子赤也何以不曰隱之也何隱爾弑也

弑則何以不日不忍言也者是魯弑其君事也

公至自會

晉人納接菑于邾婁弗克納**納者何**入辭也其言弗

克納何**關**据言于邾婁與納頓子于頓同俱入國得

立辭○接菑在妾反又如字**關**得國下有不克之文

欲言不得國納者入辭故執不知問○**關**据言至立

辭○解云即僖二十五年秋楚人圍陳納頓子于頓

是也此上言于邾婁是其得國**大其弗克納也****關**克

下云弗克納自相違故難之**大其弗克納也****關**克

勝也鄭伯以勝為惡此弗勝故為大**關**鄭伯以勝

即隱元年夏五月鄭伯克段于鄆傳云克之者何殺

之也殺之則曷為謂之克大鄭伯之惡也曷為大鄭

伯之惡母欲立之已殺之如勿與而已矣註云克

者詰為殺亦為能惡其能忍戾母而親殺之是也**何**

何

何

何

何

大乎其弗克納

○

据伐齊納子糾不能納

○

能納

能納○解云即莊九年夏公伐齊納糾傳云納者何入辭也其言伐之何伐而言納者猶不能納也是也

晉卻缺帥師革車八百乘以納接菑于邾婁力沛若

有餘

○

沛有餘貌○乘繩證反沛若

而納之邾婁人

言曰接菑晉出也

○

出外孫也

○

俱縛反

子以其指

○

指手指

○

子以其指註指手指○

則接菑也

○

四獲且也

○

言据不

得天之正性

○

言据至正性○解云地四生金于

子以大國壓之

○

壓服也服邾婁

○

言此者喻皆庶子矣貴則皆貴矣

使從命

○壓於甲反又於輒反服也

則未知齊晉孰有之也

○

設

齊復興兵來納獲且亦欲服邾婁使從命未知齊晉

誰能使外孫有邾婁者

○齊復扶又反下同

貴則皆貴矣

○

時

邾婁再娶二子母尊同體敵

○

時邾至體敵○解

或是左媵之子言非姪娣所生也舊云子以其指者

言凡立子之法以其手指相似則接菑猶人之四指

○

雖然獲且也長

○

既兩

不得正性又皆貴唯當以年長故立之

○

長丁丈

○

雖然至長○解云雖皆不得正性但四不如六故長者宜立矣

卻缺曰非吾力不能

○

納也義實不克爾也

○

如邾婁人言義不可奪也故

云爾引師而去之故君子大其弗克納也大其不

以已非奪人之是此晉卻缺也其稱人何貶曷為貶

據趙鞅納蒯聵不貶 據趙至不貶 解云即

衛世子蒯聵 不與大夫專廢置君也曷為不與據

大其弗克納實與弗克納是而文不與 曷為不

與大夫之義不得專廢置君也不復發上無天子

下無方伯傳者諸侯本有錫命征伐憂天下之道故

明有亂義大夫不得專也接菑不繫邾婁者見摯于

卻缺也不氏者本當言邾婁接菑見當國也見摯

賢徧反

下音苦 不復至之道 解云欲道信元年救邢

結反 城楚丘之經 悉是實與而文不與 文與此

同其傳皆云 上無天子下無方伯 天下諸侯有相滅

亡者力能救之 則救之可也 今此不復言之 故云爾

言諸侯本有錫命征伐憂天下之道 故者 正謂保

連帥本有共存恤之道 是故異於大夫耳 明有上

之時容有存恤之道 是故異於大夫耳 明有上

專也 解云言大夫若有專廢置君者 即是亂義 故

曰明有亂義 大夫不得專也 正由大夫不得專廢置

故也 接菑至缺也 解云 據宣十一年納公孫

子繫頓也 不氏者 解云 據宣十一年納公孫

甯儀行父于陳 皆言氏也 本當至當國也 解

云即隱元年傳云 段者何 鄭伯之弟也 何以不稱弟

當國也 註云 欲當國為之君 故如其意 使若國君氏

上鄭所以見 段之逆是也

九月甲申公孫敖卒于齊已絕 卒之者為後齊魯

公羊疏

卷之四十五

及古

歸其喪有恥故為內諱使若尚為大夫

○大夫已絕至

云言已絕者即上八年公孫敖奔莒是也春秋之例大夫出奔之後即絕於大夫之位不復書其卒即公

子慶父滅孫紇之屬是足以於此惟其書卒矣言為後齊魯歸其喪有恥者即下十五年夏齊人歸公

孫敖之喪傳云何以不言來內辭也齊我而歸之是也

齊公子商人弑其君舍**○**此未踰年之君也其言弑其

君舍何**○**據弑其君之子奚齊也連名何之者弑成

君未成君俱名問例所從也**○**據弑至齊也○解

克弑其君之子奚齊傳云已立之已殺之**○**商人本

正當立恐舍緣潘意為害故先立而弑之**○**商人本

正

明

立○解云正以弑舍不書日見成死者而賤生者也

不正遇禍則知商人本日明矣**○**惡商人懷詐無道故成舍之君號以賤商人之所

為不解名者言成君可知從成君不日者與卓子同

○惡烏略反**○**從君至子同○解云即僖十年

卓救角反**○**春晉里克弑其君卓子彼下註云不

日者不正遇禍終始

惡名故略之是也

宋子哀來奔**○**宋子哀者何無聞焉爾**○**宋子哀者何

宋君經書子哀欲言大夫文不言氏故執不知問○

無聞焉爾○解云即隱二年註云言無聞者春秋有

改周受命之制孔子畏時遠害又知秦將燔詩書其

說口授相傳至漢公羊氏及弟子胡毋生等乃始記

於竹帛故有所失也是也

冬單伯如齊齊人執單伯齊人執子叔姬傳執者曷為

或稱行人或不稱行人傳此問諸侯相執大夫所稱

例稱行人而執者以其事執也傳以其所銜奉國事

執之晉人執我行人叔孫舍是也傳晉人至是也

十三年晉人執我行人叔孫舍是不稱行人而執者以已執也傳已

者已大夫自以大夫之罪執之分別之者罪惡各當

歸其本列反別彼單伯之罪何道淫也惡乎淫淫于子

叔姬傳時子叔姬嫁當為齊夫人使單伯送之音烏

然則曷為不言齊人執單伯及子叔姬傳据夫人婦

姜繫公子遂傳据夫至子遂傳解云即宣元年內

辭也使若異罪然傳深諱使若各自以他事見執者

不書叔姬歸于齊者深諱以起道淫書單伯如齊者

起送叔姬也齊稱人者順諱文使若非伯討傳不

姬也傳解云言此者欲決隱二年冬十月伯姬歸于

紀之屬書歸也言深諱者正以子叔姬有罪故也言

以起道淫者謂深諱不言其歸即是以起道淫之義

何者若更為小事而見執何須諱其歸于齊今不言

歸于齊而與單伯俱見執明其在道與單伯淫于歸

事不醒醒矣或曰不書歸于齊者深諱其起道淫故

也何者若言叔姬歸于齊齊人執單伯齊人執子叔

姬即有道淫之理也傳齊稱人至伯討傳解云即

僖四年夏齊人執袁濤塗之下傳云稱侯而

執者伯討也稱人而執者非伯討也是也

公羊疏

卷之四十七

十有五年春季孫行父如晉

三月宋司馬華孫來盟月者文公微弱大夫秉政宋

亦蔽於三世之黨三亂結盟故不與信辭不稱使者

宋無大夫官舉者見宋亂也錄華孫者明惡二國非

以月惡華孫也華孫戶化反見賢編

反惡二鳥路反下皆同月者至

云即公子遂是也宋亦至之黨解云即上九

年傳云易為皆官舉宋三世無大夫三世內娶也是

也言為三世內娶之故三世妃黨皆強而為君之所

蔽故云蔽於三世之黨矣故不與信辭解云

正以春秋之例凡莅盟來盟例皆書時所以然者欲

見王者當以至信先天下故也是以桓十四年夏

鄭伯使其弟語來盟註云時者從內為王義明王者

當以至信先天下是也今而書月故言不與信辭耳

夏曹伯來朝

齊人歸公孫敖之喪何以不言來據齊人來歸子

叔姬據齊至叔姬解云大夫之義例不

將而來也在此年十二月內辭也脅物而歸之筍

筍將送也為叔姬淫惡魯類故取其尸置編輿中傳

送而來脅魯令受之故諱不言來起其來有恥不可

言來也不月者不以恩錄與子叔姬異竹篋也將送

我

也竹篋婢縣反一音步賢反服虔音編韋昭音如頻反編必縣反一音篇郭璞音步典反與音餘為叔于偽反下父為子為若為實為同傳直專反令受為呈反下同云謂取其死尸矣有二月齊人來歸子叔姬書月故也

六月辛丑朔日有食之鼓用牲于社是後楚人滅庸

宋人弑其君處白齊人弑其君商人宣公弑子赤莒

弑其君庶其是後楚人滅庸○解云即下十六年秋楚人秦人巴人滅庸是也○

宋人弑處白○解云在十六年冬○齊人弑商人宣公弑子赤○解云

即十八年冬子卒傳云子卒者孰謂謂子赤也何以不日隱之也何隱爾弑也者是也○莒弑其君庶其○解云在十八年冬

十八年冬

單伯至自齊大夫不致此致者喜患禍解也不省去

氏者淫當絕使若他單伯至也○解戶買反夫不

至禍解也○解云正以內大夫出聘例不書至故也○不省去至伯至也○解云正以昭十四年春意如其氏今單伯存氏故解之

晉卻缺帥師伐蔡戊申入蔡入不言伐此其言伐何

至之日也其日何據甲寅齊人伐衛日伐也

言伐○解云莊十年師解云爾故此弟子据而難之○據甲至伐也○解云即莊二十八年春王三月

甲寅齊人伐衛衛人及至之日也嫌至日伐不至

齊人戰衛人敗績是也主書與甲寅同義

日入故日入也主書與甲寅同義

隱

伐不日此何以日至之日也何氏云用兵之道當先
至竟侵責之不服乃伐之今日至便以今日伐之故
日以其暴也是也然則今此卻缺亦今日起其暴也

秋齊人侵我西鄙

季孫行父如晉

冬十有一月諸侯盟于扈

不序不日者順上諱文使

若扈之盟都不可得而知
疏不序至而知○解云
侯晉大夫盟于扈傳云諸侯何以不序大夫何以不
各公失序也公失序奈何諸侯不可使與公盟云云
何氏云文公內則欲久喪而後不能喪娶逆祀外則
貪利取邑為諸侯所薄賤不見序故深諱為不可知
之辭不日者順諱為善文也然則此不序者為不可
知之辭不日者順諱為善文也何者盟不日善文故

也

十有二月齊人來歸子叔姬**傳**其言來何**傳**据齊人歸

公孫敖之喪不言來閔之也**傳**閔傷其棄絕來歸此

有罪何閔爾父母之於子雖有罪猶若其不欲服罪

然**傳**孔子曰父為子隱子為父隱直在其中矣所以

崇父子之親也言齊人、不以棄歸為文者、今與敖同

文相發明叔姬于文公為姊妹言父母者時文公母

在明孝子當申母恩也月者閔錄之從無罪例**傳**所

以至親也○解云即言來以閔之是也○**傳**言齊人
至母者○解云若以棄歸為文即言子叔姬來歸不

言齊人即宣十六年郊伯姬來歸之文是今言齊人來歸故謂之同文也言相發明者言教為齊所惡而來歸之今此亦為齊人所歸之故曰相發明耳○
 時文至恩也○解云正以下十六年秋八月辛未夫入姜氏薨十七年夏葬我小君聖姜傳云聖姜者何文公之母也是○
 月者閔至例○解云正以棄歸之例有罪者時無罪者月故也其有罪者時即宣十六年秋郊伯姬來歸是也其無罪者月成五年春王正月杞叔姬來歸之屬是也

齊侯侵我西鄙遂伐曹入其郭傳郭者何恢郭也傳恢

大也郭城外大郭○郭芳夫反郭也傳郭者何○解

經無城郭之文欲言非城入郭書乎曰不書傳圍不

言入入郭是也傳入郭至不書○解云按書舊本此

傳之下悉皆無註有註云圍不言

入入郭是也者衍字耳入郭不書此何以書動我也傳諱使若

為同姓見入郭故動懼我也動我者何內辭也其實

我動焉爾傳齊侵魯魯實為子叔姬故動懼失操云

爾鄉者不去幾亦入我郭故舉入郭以起魯恥且明

兵之所鄉苟得其罪則莫敢不懼○鄉者許亮反

十有六年春季孫行父會齊侯于陽穀齊侯弗及盟傳

其言弗及盟何傳據序上會也連盟何者嫌據盟傳

傳據序至據盟○解云據序上會何得弗及

盟乎是以問之云嫌據盟者嫌直據盟問之不見與

盟也傳與齊期盟為叔姬故中見簡賤不見與盟侮

辱有恥故諱使若行父會而去齊侯不及得與盟故言齊侯弗及亦所以起齊侯不肯○為于

○解云使若行父會齊侯于陽穀訖即棄之而去齊侯不及盟

○亦所以起齊侯不肯

○解云若直言者欲道其時不肯盟者是齊侯也若直言季孫行父會齊侯于陽穀不及盟不妨行

夏五月公四不視朔○視朔說在六年不舉不朝廟者

禮月終于廟先受朝政乃朝明王教尊也朝廟禮也

故以不視朔為重常以朔者始重也

即上六年註云禮諸侯受十二月朔政於天子藏于太祖廟每月朔朝廟使大夫南面奉天子命君北面

而受之是也○不舉至為重

○解云正以視朔之時必有朝廟之禮故上六年經云閏月不告月猶朝于廟是也今此經直言四不視朔不道不朝廟故解之

○常以至重也

○解云言十二月之政令所以不在年初一受之而已必以月之朔日受之者重月之始故也

公曷為四不視朔○據無事也公有疾也

○以不諱舉公知有疾公有疾乃復舉公是也

○乃復扶

○公有至是也

○解云

者欲起公自是無疾不視朔也○解云公自至朔也

○解云即鄭氏云魯

公無疾不視朔也

有疾無惡不當書又不言有疾

自是

疾乃復是也何言乎公有疾不視朔

自文公四不視朔視朔之禮已後遂廢者正取此書也然則曷為不言公無疾

不視朔有疾猶可言也無疾不可言也言無疾大

惡不可言也是後公不復視朔政事委任公子遂

六月戊辰公子遂及齊侯盟于犀丘犀丘在齊西左氏作鄆丘穀梁作師

丘盟于犀丘解云正本作蓄丘故賈氏公羊曰蓄丘穀梁曰師丘是也今左氏經作鄆字

秋八月辛未夫人姜氏薨

毀泉臺泉臺者何郎臺也莊公所築臺于郎以郎

譏臨民之湫浣湫素侯反浣戶管反泉臺者何解云泉

而言毀故執不知問莊公至湫浣解云即莊二十一年春築臺于郎傳云何以書譏何譏爾臨民

之所湫浣也是也然則何以知泉臺為郎臺正以彼傳云譏臨民之所湫浣書與此泉臺之義合故也

郎臺則曷為謂之泉臺未成為郎臺未成時但以

地名之既成為泉臺既成更以所置名之毀泉臺

何以書譏何譏爾築之譏毀之譏先祖為之已毀之

不如勿居而已矣但當勿居令自毀壞不當故毀

暴揚先祖之惡也築毀譏同知例皆時令力呈反暴步下反

築毀至皆時解云言築毀譏同者即上傳云承月之譏毀之譏是也言知例皆時者正以此經文

承月之譏毀之譏是也言知例皆時者正以此經文

楚人秦人巴人滅庸巴布加反

者
云賤至故也十八字一
本作疏語

冬十有一月宋人弑其君處白

弑君者曷為或稱名

氏或不稱名氏大夫弑君稱名氏賤者窮諸人

賤者窮諸盜

君亦稱人故曰窮諸人矣云賤者窮諸盜者言士之

賤名不過于盜故也降大夫使稱人降士使稱盜者

所以別死刑有輕重也無尊上非聖人不孝者斬首

梟之無營上犯軍法者斬要殺人者刎頭故重者錄

輕者略也不日者內娶略賤之

人

反頭如字本

又作脰音豆

十有七年春晉人衛人陳人鄭人伐宋

夏四月癸亥葬我小君聖姜

聖姜者何

齊侯伐我西鄙

六月癸未公及齊侯盟于穀

諸侯會于扈

諸侯會于扈

秋公至自穀

公子遂如齊

十有八年春王二月丁丑公薨于臺下

秦伯罃卒秦穆公也至此卒者因其賢伯罃乙耕

也左氏穆公春秋外之任前以來未錄其卒今乃始

書故以賢解之而左氏為康公者與此別穀梁無解

夏五月戊戌齊人弑其君商人商人弑君賊復見者

與大夫異齊人已君事之殺之且當坐弑君○復見

下同下○商人至弑君○解云春秋之義諸是弑賢偏反君之賊皆不復見所以賤之是以宣六年

宜

二

六月癸酉葬我君文公

秋公子遂叔孫得臣如齊不舉重者譏魯狠使五大

夫出虛國家廢政事重錄內也○解云書事舉重春

秋之常今而悉舉故解之穀梁傳云使舉上客而不稱介不正其同倫而相為介故列而數之也者亦是

公羊疏

卷之十四

漢書

書晉趙盾衛孫免侵陳傳云趙盾弑君此其復見何
註云據宋督鄭歸生齊崔杼弑其君後不復見傳又
云親弑君者趙穿也註云復見趙盾者欲起親弑者
趙穿非盾是也今此商人於上十四年弑其君舍而
復見者正以其為君故也與大夫異者齊人以君事
之殺之宜當坐弑君然則商人弑其君舍而存之欲
責臣子不討賊故也是以莊二十二年註云不與念
母而譏忌者者本不事母則已不當忌者猶為商人
責不討賊義亦通於此

直舉重之義也。而言重錄內者，正以外大夫未有並見者於內，唯有此經及定六年夏季孫斯仲孫何忌如晉之文，故知正是重錄內也。

冬十月子卒。子卒者，孰謂謂子赤也。何以不日。子般卒日，隱之也。何隱爾。弑也。弑則何以不日。子般卒日，下及註同。據子般卒日，解云，即子般卒，下及註同。莊三十二年冬十月乙未，子般卒，不忍言也。所聞世，臣子恩痛，王父深厚，故不忍言其日，與子般異。故不忍至般異。解云，故也。是以莊三十二年子般卒之下，何氏云，殺不去日，見隱者降子赤也。是歸者大歸也。夫死子殺，賊人立，無

所歸留，故去也。有去道書者，重絕不復反。解云，凡言人歸一出，不反之辭，若紀侯大去其國之類，故言歸者大歸也。有去至復反。解云，正以常事不書故也。

季孫行父如齊。莒弑其君庶其。稱國以弑何。據莒人弑其君密州。年十有二月，莒人弑其君密州，是也。稱國以弑者，衆弑君之辭。一人弑君，國中人人盡喜，故舉國以明失衆，當坐絕也。例皆時者，略之也。例皆至之，是失衆而稱國以弑者，皆書時以略之。即定十三年冬，薛弑其君比之屬，是也。若然，昭二十七年夏四月

夫人姜氏歸于齊。歸者大歸也。夫死子殺，賊人立，無

所歸留，故去也。有去道書者，重絕不復反。解云，凡言人歸一出，不反之辭，若紀侯大去其國之類，故言歸者大歸也。有去至復反。解云，正以常事不書故也。

季孫行父如齊。莒弑其君庶其。稱國以弑何。據莒人弑其君密州。年十有二月，莒人弑其君密州，是也。稱國以弑者，衆弑君之辭。一人弑君，國中人人盡喜，故舉國以明失衆，當坐絕也。例皆時者，略之也。例皆至之，是失衆而稱國以弑者，皆書時以略之。即定十三年冬，薛弑其君比之屬，是也。若然，昭二十七年夏四月

夫人姜氏歸于齊。歸者大歸也。夫死子殺，賊人立，無

所歸留，故去也。有去道書者，重絕不復反。解云，凡言人歸一出，不反之辭，若紀侯大去其國之類，故言歸者大歸也。有去至復反。解云，正以常事不書故也。

季孫行父如齊。莒弑其君庶其。稱國以弑何。據莒人弑其君密州。年十有二月，莒人弑其君密州，是也。稱國以弑者，衆弑君之辭。一人弑君，國中人人盡喜，故舉國以明失衆，當坐絕也。例皆時者，略之也。例皆至之，是失衆而稱國以弑者，皆書時以略之。即定十三年冬，薛弑其君比之屬，是也。若然，昭二十七年夏四月

夫人姜氏歸于齊。歸者大歸也。夫死子殺，賊人立，無

所歸留，故去也。有去道書者，重絕不復反。解云，凡言人歸一出，不反之辭，若紀侯大去其國之類，故言歸者大歸也。有去至復反。解云，正以常事不書故也。

季孫行父如齊。莒弑其君庶其。稱國以弑何。據莒人弑其君密州。年十有二月，莒人弑其君密州，是也。稱國以弑者，衆弑君之辭。一人弑君，國中人人盡喜，故舉國以明失衆，當坐絕也。例皆時者，略之也。例皆至之，是失衆而稱國以弑者，皆書時以略之。即定十三年冬，薛弑其君比之屬，是也。若然，昭二十七年夏四月

夫人姜氏歸于齊。歸者大歸也。夫死子殺，賊人立，無

所歸留，故去也。有去道書者，重絕不復反。解云，凡言人歸一出，不反之辭，若紀侯大去其國之類，故言歸者大歸也。有去至復反。解云，正以常事不書故也。

季孫行父如齊。莒弑其君庶其。稱國以弑何。據莒人弑其君密州。年十有二月，莒人弑其君密州，是也。稱國以弑者，衆弑君之辭。一人弑君，國中人人盡喜，故舉國以明失衆，當坐絕也。例皆時者，略之也。例皆至之，是失衆而稱國以弑者，皆書時以略之。即定十三年冬，薛弑其君比之屬，是也。若然，昭二十七年夏四月

夫人姜氏歸于齊。歸者大歸也。夫死子殺，賊人立，無

所歸留，故去也。有去道書者，重絕不復反。解云，凡言人歸一出，不反之辭，若紀侯大去其國之類，故言歸者大歸也。有去至復反。解云，正以常事不書故也。

季孫行父如齊。莒弑其君庶其。稱國以弑何。據莒人弑其君密州。年十有二月，莒人弑其君密州，是也。稱國以弑者，衆弑君之辭。一人弑君，國中人人盡喜，故舉國以明失衆，當坐絕也。例皆時者，略之也。例皆至之，是失衆而稱國以弑者，皆書時以略之。即定十三年冬，薛弑其君比之屬，是也。若然，昭二十七年夏四月

夫人姜氏歸于齊。歸者大歸也。夫死子殺，賊人立，無

所歸留，故去也。有去道書者，重絕不復反。解云，凡言人歸一出，不反之辭，若紀侯大去其國之類，故言歸者大歸也。有去至復反。解云，正以常事不書故也。

季孫行父如齊。莒弑其君庶其。稱國以弑何。據莒人弑其君密州。年十有二月，莒人弑其君密州，是也。稱國以弑者，衆弑君之辭。一人弑君，國中人人盡喜，故舉國以明失衆，當坐絕也。例皆時者，略之也。例皆至之，是失衆而稱國以弑者，皆書時以略之。即定十三年冬，薛弑其君比之屬，是也。若然，昭二十七年夏四月

夫人姜氏歸于齊。歸者大歸也。夫死子殺，賊人立，無

吳弑其君僚亦是稱國而書月者彼非失衆但以見
弑之義故不書時賤之是以何氏云不書闔閭弑其
君者爲季子諱明季子不忍父子兄弟自相弑讓國
闔閭欲其享之故爲沒其罪也月者非失衆見弑故
不略之
者是也

春秋公羊註疏文公卷第十四

春秋公羊註疏宣公卷第十五

起元年
盡九年

漢何休學

宣公

元年春王正月公卽位傳繼弑君不言卽位此其言卽

位何其意也傳桓公篡成君宣公篡未踰年君嫌其

義異故復發傳傳桓公至發傳○解云卽桓元年

何註云據莊公不言卽位彼傳云如其意也註云弑

君欲卽位故如其意也註云弑君欲卽位故如其意

以著其惡是也若然按禮未踰年之君臣下爲之無

服臣爲君斬衰三年誠實自異何言嫌其義異者正

以惻隱者相似故也是以閔元年何氏云復發傳

者嫌繼未踰年君義異故也明當隱之如一也是也

也註以下十二字衍

公羊疏

卷之十四

公羊疏

公子遂如齊逆女國譏喪娶復書不親迎者嫌觸諱不

成其文也有母言如者緣內諱無貶公文國譏喪

至其文○解云何氏以為人君喪娶者宜有貶刺之文若其

吉逆使卿者宜書譏之見不親迎而已即叔孫僑如

之徒是也今公子遂為君喪娶宜去公子以見譏而

存公子復作不親迎之經書之者正以公子遂本

弑君之賊若去公子即嫌為觸弑君大惡之故諱去

公子即似隱四年十年公子翬之類是以不得成其

貶文若然文公二年公子遂如齊納幣亦譏喪娶之

經而不去公子者彼是喪未畢納幣為失禮猶淺此

乃初喪逆女固當合貶即下八年而註云元年逆女

嫌為喪娶貶也者義亦通於此云云之說八年註備

○國有母至公文○解云下八年夏六月戊子夫人

熊氏薨冬十月己丑葬我小君頃熊頃熊者何宣公

之母也是其今日有母母不命使者婦人之命不通

四方何得言如作內使之文者正以緣內無貶公之

三月遂以夫人婦姜至自齊國遂何以不稱公子一事

而再見者卒名也國卒竟也竟但舉名者省文夫人

何以不稱姜氏國據僑如以夫人婦姜氏至自齊也

經有姜不但問不稱氏者嫌據夫人氏欲使去姜國

至去姜○解云即僖元年夫人氏之喪至自齊是也

貶曷為貶國據俱至也譏喪娶也喪娶者公也則曷

文故也何者若其去如則嫌宣公喪娶為絕賤不成為諸侯然也正緣此事不得去如也若然莊二十八年臧孫辰告糴于齊不言如所以不嫌莊公不能貯蓄絕而賤之者彼告糴之事可以通臧孫之私行此大夫不外娶無通私行之義故如是

此

為貶夫人○据師還也○八年秋師還傳曰還者何

善辭也如滅同姓何善爾病之也曷為病之非師之罪也彼公自滅同姓非師之罪是以歸惡于公書還

也○明下無貶上之義內無貶于公之道則曷為貶

夫人○据俱有諱義○据俱有諱義○解云春秋

為夫人諱○夫人與公一體也○恥辱與公共之夫人

貶則公惡明矣去氏比於去姜差輕可言故不諱貶

夫人○差初○夫人與公一體○解云初則判合終

其事體先下遺餘半在爾故傳以一體言之○恥辱

○去氏至夫人○解云去姜即僖元年夫人氏之喪至自齊是也然此不諱者以其輕而僖元年去姜者則重矣而亦不諱者何氏云因正王法其稱婦何所加臣子不得以夫人禮治其喪也是也

○据桓公夫人至不稱婦○据桓三年九月夫人姜氏至自齊是也

有姑之辭也○有姑當以婦禮至無姑當以夫人禮至故分別言之言以者見行遂意也見繼重

在遂因遠別也月者公不親迎危錄之例也○有姑

也○解云隱二年傳云在塗稱婦與此違者兼二義也言在塗見夫而服從夫故謂之婦至國對姑而服

從姑是以亦謂之婦矣○有姑至禮至○解云當以婦禮至而稱夫人者臣下錄之故也

別也○解云桓十四年傳云以者何行其意也何氏云以已從人曰行然則此經云遂以夫人者欲見夫

云以已從人曰行然則此經云遂以夫人者欲見夫

人是時進止由遂故言見繫重在遂若不言以直云遂夫人則嫌恠夫人男女無別故云因遠別也○月者至例也○解云即桓三年九月夫人姜氏至自齊之屬是也言公不親迎故書月危錄之例也

夏季孫行父如齊

晉放其大夫胥甲父干衛放之者何猶曰無去是云

爾是是衛放之者何解云大夫去國於例然

則何言爾近正也此其為近正奈何古者大夫已去

三年待放古者刑不上大夫蓋以為摘巢毀卵則

鳳凰不翔剝胎焚天則麒麟不至刑之則恐誤刑嫌者死者不可復生刑者不可復屬故有罪放之而已

似又

所以尊賢者之類也三年者古者疑獄三年而後斷

易曰繫用徽纆寘於叢棘三歲不得凶是也自嫌有

罪當誅故三年不敢去摘吐狄反剝口狐反屬音蜀叢棘才工反

也解云用古放臣而言近正者正以古者放臣任其所去今此晉又處之於衛故言近正耳

不上大夫解云曲禮上篇文鄭註云不與賢者犯法其犯法則在八議輕重不在刑書是也

至不至解云皆家語文是時孔子之晉聞趙簡子殺舜華之屬故為此言而遂還耳

已解云此坎卦上六爻辭也鄭氏云繫拘也爻辰在巳巳為蛇蛇之蟠屈以徽纆也三五互體艮文與震

同體艮為門闕於木為多節震之所為有叢拘之類

門闕之內有叢木多節之木是天子外朝左右九棘之象也外朝者所以詢事之處也左嘉石平罷民焉

右肺石達窮民焉罷民邪惡之民也上六乘陽有邪

反古聞

惡之罪故縛約徽纆置於叢棘而後公卿以下議之
 其害人者置之圜土而施職事焉以明刑恥之能復
 者上罪三年而赦中罪二年而赦下罪一年而赦不
 得者不自思以得正道終不自改而出圜土者殺故
 凶是也○**君**自嫌至不敢去○**解**云莊二十四年曹
 羈之下傳云三諫不從遂去之故君子以為得君臣
 之義也何氏云孔子曰所謂大臣者以道事君不可
 則止此之謂也諫必三者取月生三日成魄臣道就
 也以此言之則知待放之臣三年乃去者**君放之非**
 亦取月生三日成魄臣道就之義故也
也曰無去是非也大夫待放正也**國**聽君不去衛
 正也**國**君放之非也大夫待放正也○古者臣有大
 喪則君三年不呼其門**國**重奪孝子之恩也禮父母
 之喪三年不從政齊衰大功之喪三月不從政故孔

子曰夏后氏三年之喪既殯而致事殷人既葬而致

事周人卒哭而致事君子不奪人之親亦不可奪親

也**國**謂禮父至不從政○**解**云禮記王制文也此政

子問文鄭云致事者還其職位於君是也○**國**君子

至親也○**解**云亦曾子問文彼云君子不奪人之親

亦不可奪親也此之謂乎**已練可以弁冕****國**此說時

衰正失非謂禮當然弁禮所謂皮弁爵弁也皮弁武

冠爵弁文冠夏曰收殷曰冔周曰弁加旒曰冕主所

以入宗廟○**冔**况**國**夏曰至曰弁○**解**云即郊特

加旒曰冕○**解**云何氏以為弁冕之形制一耳但加

旒為異矣○**國**主所以入宗廟○**解**云以其文冠故

此解當移在下

也服金革之事謂以兵事使之君使之非也非
 古道也臣行之禮也臣順為命亦禮也此與君放
 之非臣待君放正同故引同類相發明閔子閔子
 騫以孝聞閔子騫以孝聞要經而服事禮已
 練男子除乎首婦人除乎帶要一禮已至乎
 傳文孔子蓋善之也者蓋猶是也言於此三事孔子
 皆善之其三者初則要經而服事次則謂君為古
 者後則退而既而曰若此乎古之道不即人心既
 致仕是也事畢言古者不敢斥君即近也退而致仕退退身
 也致仕還祿位于君孔子蓋善之也善其服事外

得事君之義致仕內不失親親之恩言古者又孫順
 不訕其君也不言君子者時賢者多以為非唯孔子
 以為是音遜

公會齊侯于平州

公子遂如齊

六月齊人取濟西田外取邑不書此何以書據曹

取之不書禮反據曹取之不書解云即僖
 取之取之曹也曷為不言取之曹何諱取同姓之田也
 此未有伐曹者則其言取之曹何晉侯執曹伯班其
 所取侵地于諸侯也晉侯執曹伯班其所取侵地于
 諸侯則何諱乎取同姓之田久也何氏云魯本為霸

公羊疏

卷之五

公羊疏

者所還當時不取久後有悔更緣前語取之不應以得故當坐取邑其濟西田本魯物而曹取之不書之矣所以賂齊也魯所以賂遺齊故稱人共國辭遺

唯季何者魯所至國辭○解云謂一人字齊魯共有反何者魯人篡弒以地賂人齊人失所取篡者之賂皆合曷為賂齊據上無戰伐無所謝

稱人故也○解云正決哀七年秋公伐邾婁八月巳酉入邾婁以邾婁子益來八年夏齊人取謹及闡傳云外取邑不書此何以書所以賂齊也曷為賂齊為以邾婁子益來也然則此文之上不見戰伐之文應無所謝曷為以地賂為弒子赤之賂也子赤齊外孫宣

公篡弒之恐為齊所誅為是賂之故諱使若齊自取之者亦因惡齊取篡者賂當坐取邑未之齊坐者由

律行言許受賂也月者惡內甚于邾婁子益

外孫○解云文公四年經書娶于齊而生也○赤齊未之至受賂也○解云十年齊人歸我濟西田傳云齊已取之矣其言我何言我者未絕於我也曷為未絕于我齊已言取之矣其實未之齊也何氏云齊已言語許取之其人民貢賦尚屬於魯實未歸於齊不言來者明不從齊來不當坐取邑是以知其未之齊矣

○月者至子益○解云哀八年夏齊人取謹及闡傳云外取邑不書此何以書所以賂齊也曷為賂齊為以邾婁子益來也彼註云邾婁齊與國畏為齊所怒而賂之恥甚故諱使若齊自取然則彼為侵奪小國而賂齊此為篡適而賂齊罪重於彼是以書月以諱其惡故云月者惡內甚於邾婁子益矣

秋邾婁子來朝

楚子鄭人侵陳遂侵宋

微者不得言遂遂者楚子之

遂也不從鄭人去遂者兵尊者兼將○將子**○**者至

之遂也○解云正以遂者專事之文也是以僖二十

五年註云微者不別遂但別兩耳是也其若大例不

合遂若其竟外有利國家之事亦權許之○卽莊十九

年秋公子結勝陳人之婦于鄆遂及齊侯宋公盟下

辭出竟有可以安社稷利國家者則專之可也是

晉趙盾帥師救陳宋公陳侯衛侯曹伯會晉師于斐林

伐鄭○此晉趙盾之師也○据上趙盾救陳微者不

能會諸侯○斐芳○微者卽不能爲會主以致諸侯

于斐林○曷爲不言趙盾之師○据公子遂會晉趙盾

于衡雍伊雜戎盟再出名氏○解云卽文八年冬十

月壬午公子遂會晉趙盾盟于衡雍君不會大夫之

辭也○時諸侯爲趙盾所會不與卑致尊故正之去

大夫名氏使若更有師也殊會地之者起諸侯爲盾

所會○殊會至所會○解云言殊會者正謂先序

侯衛侯曹伯帥師伐鄭而先言會晉師于斐林乃言

伐鄭者若以趙盾之師先在是致諸侯來會之然也

故曰起諸侯爲盾所會耳

冬晉趙穿帥師侵柳○柳者何天子之邑也○天子之

間田也有大夫守之晉與大夫忿爭侵之○間柳

何○解云欲言是國又復未聞欲曷爲不繫乎周○

言是邑文無所繫故執不知問

公羊疏

卷之五

公羊疏

公羊疏 卷之五 據王師敗績于貿戎繫王。

○貿音茂 據王至繫王。○

王師敗績于貿戎是也。

不與伐天子也。

○絕正其義。使若兩國自相伐。繫之於王所以正君臣之義也。

自相伐。

○絕正其義。○解云謂絕柳不使。

晉人宋人伐鄭。

二年春王二月壬子宋華元帥師及鄭公子歸生帥師。

戰于大棘宋師敗績獲宋華元。

○復出宋者非獨惡

華元明恥辱及宋國。

○華戶化反。

○宋華至華元。○解云宋鄭皆言帥師者其

將皆尊其師晉眾故也。

秦師伐晉。

○秦稱師者聞其眾惡其將本秦之忿起殺

之戰今襄公繆公已死可以止矣而復伐晉惡其構

怨結禍無已。

○秦稱至其將。○解云正以文十二年秦伯使遂來聘始有大夫宜見將

之名氏若其貶之宜稱人稱國而言師者正以閔其

眾惡其將故也。○本秦至之戰。○解云在僖三十年夏。○今襄至已死。○解云即文六年晉侯謹卒文十八年秦伯營卒是也。

夏晉人宋人衛人陳人侵鄭。

秋九月乙丑晉趙盾弑其君夷獯。

○夷獯戶刀反又古刀反二傳作夷臯

冬十月乙亥天王崩。

○匡王。○解云即三年春葬匡王是也。

三年春王正月郊牛之口傷改卜牛牛死乃不郊猶三

望其言之何。

○據食角不言之。○解云即成

七年春王正月，饗鼠食郊牛角，改緩也。辭間容之。

故為緩，不若食角急也。別天牲，主以角，書者譏宣公。

養牲不謹敬，不潔清，而災重事至尊，故詳錄其簡甚。

○不若食角急也。○解云：言食角之時，正以有不順之處，為天所災，不敬簡慢，故不言之耳。○**○**別

天牲，主以角。○解云：即王制云：祭天地之牛角，繭栗宗廟之牛角，握賓客之牛角，尺是也。○**○**重事至簡甚

○解云：正謂言之是也。何者？之為緩辭，故以簡慢之甚言矣。言簡者，欲取五行傳云：簡宗廟之言耳。**曷**

為不復卜。○**○**據定十五年牛死，改卜牛。○**○**據定至

云：據彼經云：十五年春，上正月，饗鼠食郊牛，牛死，改卜牛，是也。**養牲養二卜**。○**○**二卜

語在下。帝牲不言。○**○**帝皇天大帝在北辰之中，主總

領天地五帝羣神也。不吉者有災。○**○**帝皇至有災

之中者，言在北辰之處，紫微宮內也。云：總領天地五

帝羣神也者，總領天地之內，五帝羣神也。其五方之

帝，東方青帝靈威仰之屬，是其五。則**扳稷牲而卜之**。

帝之名，春秋緯文耀鉤，具有其文。先卜帝牲，養之，有災更引稷牲卜之，以為天牲，養

之，凡當二卜，爾復不吉，不復郊。○**○**扳普顏反。○**○**更

天牲。○解云：即定十五年牛死，改卜牛者，正謂此。帝牲在于滌三月。○**○**滌宮

名，養帝牲三牢之處也。謂之滌者，取其蕩滌潔清。三

牢者，各主一月，取三月一時，足以充其天牲。○**○**于滌

養牲。○**○**養帝至之處。○解云：其於稷者，唯具是視。

宮名。○**○**三牢之文，出春秋說文。

於稷者，唯具是視。

於稷者，唯具是視。

於稷者，唯具是視。

視其身體具無災害而已不特養于滌宮所以降

稷尊帝郊則曷為必祭稷据郊者主為祭天王者

必以其祖配祖謂后稷周之始祖姜嫄履大人迹

所生配配食也姜嫄至所生○解云即詩云履

帝武敏歆文周本紀云有邠氏女

曰姜嫄為帝馨元妃出野見巨人迹心忻然說欲踐

之踐之身動如孕者居期而生子以為不祥棄之隘

巷或棄山林寒冰之上云云姜嫄以為為神

遂收養長之初欲棄之因名曰棄是也王者則曷

為必以其祖配据方父事天据方父事天○

特祭何嫌而要須以自內出者無匹不行解云言既以為父

祖配祭之乎故難之自內出者無匹不行匹合也

無所與會合則不行自外至者無主不止必得主

推

正

人乃止者天道闇昧故惟人道以接之不以文王配

者重本尊始之義也故孝經曰郊祀后稷以配天宗

祀文王於明堂以配上帝上帝五帝在太微之中迭

生子孫更王天下書改卜者善其應變得禮也迭

反更王音庚必得至接之解云五謂天之精

下于況反神靈不明察矣上帝至禮也

解云此五帝者即靈威仰之屬言在太微宮內迭王

天下即感精符云蒼帝之始二十八世滅蒼蒼者翼也

彼註云堯翼之星精在南方其色赤滅翼者斗註云

舜斗之星精在中央其色黃滅斗者參註云禹參之

星精在西方其色白滅參者虛註云湯虛之星精在

北方其色黑滅虛者房註云文王房星之精在東方

其色青五星之謀是其義

葬匡王葬匡王。○解云：天子記崩不記葬，今而書者，即文九年傳曰：王者不書葬，此何以書？不及時書過也。時書，我有往者書，然則此未滿七月，所謂不及時書也。

楚子伐賁渾戎賁渾，舊音六，或音奔。下戶門反。二傳作陸渾。

夏楚人侵鄭

秋赤狄侵齊

宋師圍曹

冬十月丙戌，鄭伯蘭卒

葬鄭繆公葬不月者，子未三年而弒，故略之也。○繆音穆。

疏葬不月至之也。○解云：即下四年夏六月乙酉葬月，大國之常，今而不月，故為此解。似若定公十三年春薛伯定卒，何氏云：不日月者，子無道當廢之，而以為後，未至三年，失衆見弒，危社稷，宗廟禍端在定，故略之之類也。考諸舊本皆無註，然則有者衍字耳。而不月者，與卒同月故也。即隱三年傳云：不及時而不日，慢葬何氏云：慢薄不能以禮葬是也。然則薛伯定之子是失衆見弒者，即定十三年薛弒其君，此稱國以弒是也。今此繆公之子為公子歸生弒之，非失衆之文，是以經書冬十月丙戌鄭伯蘭卒，而不略之，以此言之，有註者非也。

四年春王正月，公及齊侯平莒及郟，莒人不肯，公伐莒

取向此平莒也。其言不肯何？据取汶陽田不言

棘不肯据取汶至不肯。○解云：即成二年秋取汶陽田至三年秋叔孫僑如率師圍棘，傳

云棘者何汝陽之不服邑也其言圍之何不聽也何
 不聽也何氏云不聽者叛也不言叛者為內諱故書
 圍以起辭取向也國為公取向作辭也恥行義為利
 故諱使若莒不肯起其平也聽公平伐取其邑以弱
 之者愈也莒言及者明非莒不肯起其平也書齊侯
 者公不能獨平也月者惡錄之○公為國莒言及
○解云正以及是汲汲之意亦見直之義故如此解
○國月者惡錄之○解云正以定十一年冬及鄭平
 知平例不月今而書月故以為惡錄之若然定十年
 春王三月及齊平而書月何氏云月者夾谷之會齊
 侯欲執定公故不易是也又昭七年春王正月暨齊
 平而書月何氏云月者刺內暨暨也時魯方結婚于
 吳外慕強楚故不汲汲于齊是也

秦伯稽卒

夏六月乙酉鄭公子歸生弑其君夷

赤狄侵齊

秋公如齊

公至自齊

冬楚子伐鄭

五年春公如齊

夏公至自齊

秋九月齊高固來逆子叔姬

叔孫得臣卒

不日者

知公子遂欲弑君為人臣知賊

而不言明當誅

秋九月

至叔姬○解云隱二年註

固不蒙月也

不日至

當誅○解云正以所聞之

世大夫之卒無罪者

日有罪者月今此不日故解之

但推尋上下更不見得

臣有罪之文惟有文十八年

秋公子遂叔孫得臣如齊

冬十月公子遂弑子赤是

以何氏消量

作如此解

冬齊高固及子叔姬來

何言乎高固之來

叔姬為重大夫私事不當書

何言乎高固之來

○為重直○解云正以春秋尊內故也

云正以春秋尊內故也

○大夫至當書○解云正

以內之大夫直錄其如不書其大夫私事故也

今書高固是言叔姬之來而不言高固之來則不可

禮

大夫妻歲一歸宗叔姬屬嫁而與高固來如但言叔

姬來而不言高固來則魯負教戒重不可言故書高

固明失教戒重在固言及者猶公及夫人

○解云婦人之道既嫁從夫故也

○解云即僖十一年夏公及夫人姜氏會齊侯于陽

穀是也然則公羊之義以為夫妻言及者遠別之稱

刺其無別是以下註云言其雙行匹至似於鳥獸是

也故桓十八年春公夫人姜氏遂如齊傳云公何以

不及夫人註云據公及夫人會齊侯于陽穀夫人外

也註云若言夫人已為公所絕外也傳云夫人外者

何內辭也註云內為公諱辭其實夫人外公也註云

時夫人淫于齊侯而譖公故云爾然則桓公十八年

而不言及者若言夫人為公所絕外是以不得言及

以遠子公羊子曰其諸為其雙雙而俱至者與

言

其雙行匹至似於鳥獸其無別如雄狐綏綏故曰
雙行游匹而來鶉鶉不異故言匹至似於鳥獸矣而
舊說云雙雙之鳥一身二首尾有雌雄隨便而偶常
不離散故以喻
焉非何氏意也

楚人伐鄭

六年春晉趙盾衛孫免侵陳趙盾弑君此其復見何

據宋督鄭歸生齊崔杼弑其君後不復見
賢徧反
○見何
○據宋督至不復見
○解云其宋督之事即桓二
○年春王正月戊申宋督弑其君與夷及其大夫孔
父者是也歸生之事上四年夏六月乙酉鄭公子歸
生弑其君夷是也崔杼之事即襄二十五年夏五月
齊崔杼弑其君光是也然則春秋之內書名弑君後
不復見者唯此三人耳餘見者皆著義焉即桓二年

公子翬如齊逆女宣元年公子遂如齊逆女之屬欲
見罪在桓宣故翬遂得見閔二年公子慶父出奔莒
書者彼註云慶父弑二君不當復見所以復見者起
季子緩追逸賊是也隱四年衛人殺州吁于濮彼註
云書者善之也然則善其臣子討得其賊是以書見
則知莊九年齊人殺無知書之者亦是討得其賊善
而書之莊十二年宋萬出奔陳得書之者彼註云萬
弑君所以復見者重錄彊禦之賊明當急誅之也是
也僖十年夏晉殺其大夫里克弑二君則曷為不以討賊之辭
類也故彼傳云里克弑二君則曷為不以討賊之辭
言之惠公之大夫也何氏云惠公篡立已定晉國君
臣合為一體無所復責故曰此乃惠公之大夫安得
以討賊之辭言之然則欲歸惡於惠公尚不作討賊
之辭何得怪其見于經矣襄二十七年衛殺其大夫
甯喜得書之亦翬遂之類也是見其與獻公同謀而
弑剽是以三十二年弑剽之下何氏云甯喜為衛侯
術弑剽不舉術弑剽者諉成於喜是也其二十六年
晉人執甯喜之下傳云不以其罪執之也何氏云明

公羊疏 卷之十五 十五 殺古

不得以為功當坐執人亦是其得書之義文十八年
 齊人弑其君商人昭十一年楚子虔誘蔡侯般殺之
 于申皆書者商人之下何氏云商人弑君賊復見者
 與大夫異齊人已君事之殺之宜當坐殺君是也昭
 十三年楚公子棄疾弑公子比得書
 者亦是加弑故也如趙盾之類矣
 親弑君者趙穿也
 復見趙盾者欲起親弑者趙穿非盾親弑君者
 趙穿則曷為加之趙盾不討賊也何以謂之不討賊
 也
 據皆去葬不加弑
 春秋之義君弑賊不討則不
 書葬所以責臣子不討賊若其加弑者雖不討賊亦
 書其葬以其不親弑不責臣子之討賊是以昭十九
 年夏許氏子止弑其君買冬葬許悼公傳云賊未討
 何以書葬不成于弑也曷為不成于弑止進藥而藥
 殺也止進藥而藥殺則曷為加弑焉爾譏子道之不
 盡也是以君子加弑焉爾葬許悼公是君子之赦止

也赦止者免止之罪辭也是也然則此趙盾之弑君
 與他親弑者同文皆去其葬則趙盾不加弑趙盾既
 不加弑即其身是賊何得
 謂之不討賊乎故難之
 晉史書賊曰晉趙盾弑其
 君夷犇趙盾曰天乎無辜
 辜罪也呼天告冤
 天告冤○解云冤
 謂冤枉之冤也
 吾不弑君誰謂吾弑君者乎史曰
 爾為仁為義人弑爾君而復國不討賊此非弑君而
 何
 復反也趙盾不能復應者明義之所責不可辭
 趙盾之復國奈何靈公為無道使諸大夫皆內朝
 禮公族朝於內朝親親也雖有富貴者以齒明父子
 也外朝以官體異姓也宗廟之中以爵為位崇德也

宗人授事以官尊賢也升餒受爵以上嗣尊祖之道

也喪紀以服之精粗為序不奪人之親也音餒

公族至之親也○解云此皆文王世子文彼註云內

朝路寢廷也云雖有貴者以齒明父子也彼註云謂

以宗族事會也云外朝以官體異姓也者彼鄭氏云

外朝路寢門之外廷體猶連結也云宗廟之中以爵

為位崇德也者鄭氏云崇高也以爵貴賤異位云宗

人授事以官尊賢也者鄭氏云宗人掌禮及宗廟也

以官官各有所掌也若司徒奉牛司馬奉羊司空奉

豕云升餒受爵以上嗣尊祖之道也者彼文云其登

餒獻爵則以上嗣尊祖之道也註云上嗣祖之正統

爵謂上嗣舉奠也今此何氏以登為升復無獻字蓋

所見異也云喪紀以服之精粗為序不奪人之親也

者彼文作輕重字此作精粗者亦所見異也其上又

云其公大事則以其喪服之精粗為序註云大事謂

死喪也其為君雖皆漸衰序之必以本親也是也

然後處乎臺上引彈而彈之已趨而辟音已已諸

大夫也音已是樂而已矣音已以是為笑樂音洛趙

盾已朝而出與諸大夫立於朝有人荷音荷菴音菴荷負也

菴草器若今市所量穀者是也齊人謂之鍾音荷有人

作何胡可反又音荷齊人謂之鍾音荷解云即昭三年

音何菴音本音荷左傳云齊舊四量豆區釜鍾是也

自闈而出者音荷宮中之門謂之闈其小者謂之闈從

內朝出立于外朝見出闈者知外朝在闈外內朝在

闈內可知音荷宮中至之闈音荷解云釋宮文孫氏曰

小闈謂之闈李氏曰皆趙盾曰彼何也夫菴曷為出

門戶大小之異是也

公羊疏

卷之十五

禮記

乎閨國彼何者始惟何等物之辭熟視知其為畚乃
 言夫畚者賤器何故乃出尊者之閨乎呼之不至國
 怪而呼欲問之曰子大夫也欲視之則就而視之國
 顧君責已以視人欲以見就為解也古者士大夫通
 曰子國解佳賣國趙盾就而視之則赫然死人也國赫
 然已支解之貌趙盾曰是何也曰膳宰也國主宰割
 殺膳者若今大官宰人熊蹯不熟國蹯掌公怒以斗
 擊而殺之國擊猶拳也擊謂旁擊頭項國擊五羔反
 擊也拳口國支解將使我棄之趙盾曰嘻趨而入靈公
 弔反擊也

望見趙盾愬而再拜國愬者驚貌禮臣拜然後君答
 拜靈公先拜者畚出盾入知其欲諫欲以敬拒之使
 不復言也禮天子為三公下階卿前席大夫與席士
 式几國愬所革反國禮天至式几國解云趙盾遂
 又訴路反國春秋說文亦時王禮也
 巡北面再拜稽首國頭至地曰稽首頭至手曰拜手
國頭至地至拜手國趨而出國本欲諫君君以拜謝
 知已意冀當覺悟故出靈公心作焉國作慙貌慙盾
 知已過國洛反國欲殺之於是使勇士某者往殺之國
 某者本有姓字記傳者失之勇士入其大門則無人

門焉者入其閨則無人閨焉者國焉者於也是無人於閨門守視者也上其堂則無人焉國但言焉絕語辭堂不設守視人故不言堂焉者俯而闚其戶國俯挽頭戶室戶方食魚飧勇士曰嘻子誠仁人也吾入子之大門則無人焉入子之閨則無人焉上子之堂則無人焉是子之易也國易猶省也音孫子為晉國重卿而食魚飧是子之儉也君將使我殺子吾不忍殺子也雖然吾亦不可復見吾君矣國負君命也遂刎頸而死國勇士自斷頭也傳極道此者明約儉之

衛也甚於重門擊柝孔子曰禮與其奢也寧儉此而謂也○頸居郢反斷音短國傳極至謂也○解云重直容反柝他洛反國易下繫辭云重門擊柝以待暴客是也靈公聞之怒滋欲殺之甚國滋猶益也衆莫可使往者於是伏甲于宮中召趙盾而食之趙盾之車右祁彌明者國之力士也國禮大夫駟乘有車右有御者○而食音嗣下佺然從乎趙盾而入國佺然壯勇貌○佺魚乙反放乎堂下而立國嫌靈公復欲殺盾故入以為意禮器記曰天子堂高九尺諸侯七尺大夫五尺士三尺趙盾已食靈公謂盾曰吾聞子之劔

蓋利劍也子以示我吾將觀焉

授君劍當拔而進其首靈公因欲以推殺之趙盾起將進劍

下呼之曰盾食飽則出何故拔劍於君所趙盾知之

由人曰知之自己知曰覺焉

此文是也自己知曰覺者即昭三十一年傳云夏父曰以來人未足而肝有餘叔術覺焉曰噫此誠爾國也夫起而致國

踏階而走踏猶超遽不暇以次踏于夏父是也

靈公有周狗周狗可同遽不其據反本亦作劇

謂之葵犬四尺曰葵

葵亦踏階

而從之祁彌明逆而跋之

以足逆躡曰跋

逆躡之躡

徒臘反

領口

而宮中甲鼓而起

當起殺盾有起于甲中者抱趙盾而乘之

走趙盾顧曰吾何以得此子

救急之恩於子邪非所以意悟曰子某時所食活我于暴桑下者也

傳道此者明人當素積恩德趙盾曰子名為誰

後

欲報之曰吾君孰為介介甲也猶曰我晉君誰為
 與此甲兵豈不為盾乎子之乘矣何問吾名國之乘
 即上車也猶曰子以上車矣何不疾去而反徐問吾
 名乎欲令蚤免去不望報矣蚤音早趙盾驅而出眾無
 留之者國明盾賢人不忍殺也且靈公無道民眾不
 悅以致見殺趙穿緣民眾不說起弒靈公然後迎趙
 盾而入與之立于朝國復大夫位也即所謂復國不
 討賊明史得用責之傳極道此上事者明君雖不君
 臣不可以不臣音悅而立成公黑臀國不書者明

以惡夷獯猶不書剽立剽匹妙反
公二十六年二月辛卯衛甯喜弒其君剽甲午衛侯
 衍復歸于衛然則曷為不言剽之立不言剽之立者
 以惡衛侯矣註云欲起衛侯失眾出奔故不書剽立
 剽立無惡則衛侯惡明矣然則此處不書黑臀之立
 以惡夷獯明矣故如此解

夏四月
 秋八月螽國先是宣公伐莒取向公比如齊所致國先

冬十月
是至取向○解云在上四年冬也○公比如齊
 ○解云即四年秋公如齊五年春公如齊是也

七年春衛侯使孫良夫來盟國春衛侯至來盟○解云
 不書日月者桓十四年

夏鄭伯使其弟語來盟之下何氏云時者從內為王義明王者當以至信先天下然則成三年冬十有一月晉侯使荀庚來聘衛侯使孫良夫來聘丙午及荀庚盟丁未及孫良夫盟亦是來盟而書日月彼下註云書者惡之詩曰君子屢盟亂是用長二國既修禮相聘不能親信及復相疑故舉聘以非之是其惡故不舉重而書日月之義也是當文皆有註解

夏公會齊侯伐萊

秋公至自伐萊

大旱國為代萊踰時也○為于偽反

冬公會晉侯宋公衛侯鄭伯曹伯于黑壤

八年春公至自齊

會

夏六月公子遂如齊至黃乃復傳其言至黃乃復何國

據公孫敖不言至復又不言乃國據公至言乃○

公孫敖如京師不至復丙戌奔莒是也有疾也國乃難辭也上言乃復

下有卒知以疾為難○難辭乃且反何言乎有疾乃復國據

公如晉以有疾乃復殺恥以為有疾無惡國據公

惡○解云即昭二十三年冬公如晉至河公有疾乃復傳云何言乎公有疾乃復殺恥也註云因有疾以殺畏晉之恥是也譏何譏爾大夫以君命出聞喪徐行而不

反國聞喪者聞父母之喪徐行者不忍疾行又為君

當使人追代之以喪喻疾者喪尚不當反況於疾乎

長如信

順經文而重責之言乃不言有疾者有疾猶不得反

也敖不言乃者明無所難為重敖當誅遂當絕順

經文至難為重○解云正以傳不言大夫以君命出

遇疾而還非禮而言聞喪徐行而不反者是其順經

文而重責之故也○敖當誅遂當絕○解云以敖

違命罪大故當誅誅者罪累家也遂前雖弑君而宜

公不以為罪直以當時行事而責之責其

奉命不終而以疾辭故當絕其身而已

辛巳有事于太廟

仲遂卒于垂○仲遂者何○据不稱公子故問之公子

遂也○自是後無遂卒知公子遂何以不稱公子○

据公子季友卒雖加字猶稱公子也○据公至子

也○解云即

僖十六年三月壬申公子季友卒是也言雖

加字者欲道仲遂亦加字而不稱公子矣

貶曷為

貶○据叔孫得臣卒不貶○据叔至不貶○解云

得臣卒是也何氏云不日者知公子遂欲弑君為人

臣知賊而不言明當誅然則得臣與遂同罪而或貶

或否故為弑子赤貶然則曷為不於其弑焉貶○据

難之

鞏終隱之篇貶欲使於文十八年子赤卒年中貶○

据鞏至中貶○解云即隱四年秋鞏帥師會宋公

以下伐鄭傳云鞏何以不稱公子貶曷為貶與弑公

也十年夏鞏帥師會齊人鄭人伐宋傳云此公子鞏

也何以不稱公子貶曷為貶隱之罪人也故終隱之

篇貶也於文則無罪於子則無年○此解十八年秋

文公無罪於子赤也卒乃貶者元年逆女嫌為喪娶
 貶也公會平州下如齊也嫌公遂如齊嫌坐乃復貶
 也貶加字者起嬰齊所氏明為歸父後大宗不得絕
 也地者絕外卒明當有卒外禮也日者不去樂也書
 有事者為不去樂張本○編必
 公于遂如齊逆女彼註云嫌觸諱不成其文也是也
○註公會至公遂○解云即元年經云夏公會齊侯
 于平州公于遂如齊是也若不言公于直言遂如齊
 文承公會于平州之下嫌謂公遂如齊非公于遂是
 以不得去公于矣○註如齊嫌坐乃復貶也○解云
 公于遂助桓篡弒入篇即不貶見其無罪于桓公今
 此公于遂助宣篡弒而於宣貶者正以於子赤則無
 年遂之罪重不得令免會須貶之諸見之處悉皆有

赤

嫌不得作文是以正於卒時貶見其事○註貶加字
 至絕也○解云成十五年三月乙巳仲嬰齊卒傳云
 仲嬰齊者何公孫嬰齊也公孫嬰齊則曷為謂之仲
 嬰齊為兄後也為兄後則曷為謂之仲嬰齊為人後
 者為之子也註云更為公孫之子故不得復氏公孫
 傳文云為人後者為其子則其稱仲何孫以王父字
 為氏也然則嬰齊孰後歸父也歸父使于晉而未
 反何以後之註云據已絕也傳云叔仲惠伯曰君幼如之
 者也文公死子幼公于遂謂叔仲惠伯曰君幼如之
 何願與子慮之叔仲惠伯曰吾子相之老夫抱之何
 幼君之有公于遂知其不可與謀退而殺叔仲惠伯
 弒子赤而立宣公宣公死成公幼臧宣叔者相也君
 死不哭聚諸大夫而問焉曰昔者叔仲惠伯之事孰
 為之諸大夫雜然曰仲氏也其然乎於是遣歸父之
 家註云時見君幼欲以防示諸大夫然後哭君歸父
 使乎晉還自晉至榿聞君薨家遣墀帷哭君成踊反
 命于介自是走之齊魯人徐傷歸父之無後也註云
 徐者皆共之辭也關東語傷其先人為惡身見逐絕

公羊疏 卷之五 不忿對也。於是使嬰齊後之也。註云：弟無後，見之義。為亂昭穆之序，失父子之親，故不言仲孫明不與子。為父為父孫是也。然遂既被貶，而加字者，欲起成。五年仲嬰齊以仲為氏，故也。嬰齊者，仲遂之子，宜稱公孫而氏仲者，明為其兄公孫歸父之後，不得氏公孫。故氏仲矣。所以弟為兄後者，正以大宗不得絕。故也。○地者至禮也。○解云：欲道公子季友之文，皆不地。此言於垂者，正以卒於外故也。所以卒於外則地之者，明其當有卒於外之禮故也。○日者不去樂也。○解云：正以春秋之例，失禮鬼神，例日故也。○書有至張本。○解云：正以時祭之禮，初夏卒之，即是得時不書之例。而書之者，為下不去樂。張本故也。而言有事者，祔不合書，是以但言有事為下。張本而已。若文二年註云：不言吉祿者，就不三年不復議略為下張本而已之類。

子午猶釋萬入去籥。釋者何？祭之明日也。禮釋祭。

昨日事，但不灌地降神爾。天子諸侯曰釋，大夫曰賓尸，士曰宴尸，去事之殺也。必釋者，尸屬昨日配先祖，食不忍輒忘，故因以復祭禮，則無有誤，敬慎之至。殷曰彤，周曰繹。繹者，据今日道昨日，不敢斥尊言之文意也。彤者，彤彤不絕，据昨日道今日，斥尊言之質意也。祭必有尸者，節神也。禮天子以卿為尸，諸侯以大夫為尸，卿大夫以下以孫為尸，夏立尸，殷坐尸，周旅酬六尸。○屬音燭。○釋者何？○解云：欲言是祭去祔，不知問。○禮釋至神爾。○解云：正以釋天云：釋又祭也。孫氏云：祭之明日，尋繹復祭，故言繼昨日事。正

以昨日祭已灌地降神是以今日釋主為尸作何以
 為灌乎故云但不灌地降神爾○**釋**天子諸侯至宴
 尸○**解**云春秋說文也稍得言名釋在正祭之後故
 曰去事之殺也○**釋**則無有誤○**解**云畏敬先君之
 尸而為之設祭則無有過誤也○**釋**殷曰彤周曰釋
 ○**解**云釋天文按郭氏爾雅其下文仍有夏曰復昨
 之文而何氏不言之者正以諸家爾雅悉無此言故
 不引之復昨郭氏云未見義所出也○**釋**者至意
 也○**解**云祭尊于釋欲道今日所尋釋乃是昨日之
 正祭故云據今日道昨日不敢斥尊乃是尊正之義
 故曰文意也○**釋**形者至神也○**解**云正由昨日正
 祭是以今日作又祭相因而不絕形然故曰據昨
 日道今日乃是迫近而不尊故曰質意也○**釋**禮天
 子至孫為尸○**解**云何氏差約古禮也天子不使公
 諸侯不使卿皆為其疑也○**釋**大夫已下以孫為尸以
 其昭穆同也○**釋**夏立至六尸○**解**云即禮器云周
 坐尸註云言此亦周所因於殷也夏立尸而卒祭註
 云夏禮尸有事乃坐殷坐尸註云無事猶坐周旅酬

六尸註云使之相酌也后稷之尸發爵不受旅曾子
 曰周禮其猶醪與註云飲錢飲酒為醪旅酬相酌似
 也**萬者何干舞也**○**釋**干謂楮也能為人扞難而不使
 害人故聖王貴之以為武樂萬者其篇名武王以萬
 人服天下民樂之故名之云爾○**釋**楮食允反○**釋**萬者
 解云欲言其樂文無樂名欲言非樂祭祀用之故執
 不知問○**釋**武王至云爾○**解**云春秋說文昔武王
 一會入伯諸侯人數豈止萬而**籥者何籥舞也**○**釋**籥
 已蓋以萬是總名故據以言耳**籥者何籥舞也**○**釋**籥
 所吹以節舞也吹籥而舞文樂之長○**釋**籥者何○**解**
 籥是樂名欲言是樂臨祭見去故執不知門○**釋**吹
 籥而舞文樂之長○**解**云正以萬是武樂入而用之
 而籥特**其言萬入去籥何**○**釋**據入者不言萬去樂不
 備矣

言名疏去樂不言名。○解云：即昭十五年二月癸酉有事于武宮，籥入叔弓卒，去樂卒事是也。

去其有聲者疏不欲令人聞之也。廢其無聲者疏廢

置也。置者不去也。齊人語存其心焉爾。存其心焉爾

者何知其不可而為之也疏明其心猶存於樂，知其

不可故去其有聲者而為之疏存其心焉爾者何。○

而有去籥之文，欲道存心于股疏猶者何。通可以已也。

疏肱而繹萬不廢，故執不知問。禮大夫死為廢一時之祭，有事于廟而聞之者去

樂卒事而聞之者廢繹，日者起明日也。言入者据未

奏去籥時書，凡祭自三年喪已下，各以日月廢時祭。

是

唯郊社越紼而行事可疏猶者何。○解云：欲言禮是禮。

正祭之明日故執不知問疏禮大夫至之祭。○解云：即

正以正祭為吉事故也。○注：有事于武宮籥入叔弓卒，去樂

昭十五年二月癸酉有事于武宮籥入叔弓卒，去樂

卒事傳云其言去樂卒事何禮也。○注：君有事于廟聞大

夫之喪去樂注云思痛不忍舉。○注：卒事至日也。○

解云：即檀弓下篇云仲遂卒于垂，壬午猶繹，至日也。○

籥仲尼曰：非禮也。○注：卒事至日也。○注：書去

凡祭至事可。○解云：即王制曰：喪三年不祭，唯祭天

地社稷為越紼而行事。鄭注云：不敢以卑廢尊，越猶

躡也。紼，輔車索是也。

秦
戊子夫人熊氏薨
晉師白狄伐秦

楚人滅舒蓼

秋七月甲子日有食之既註是後楚莊王圍宋折骸易

子伐鄭勝晉鄭伯肉袒晉大敗於鄆中國精奪屈照

強楚之應疏註是後至易子圍宋楚也言折骸易

子者即十五年傳云易子而食之折骸而炊之是也

缺子 救卻

共討

是

致帥伐鄭十年夏晉人宋人衛人曹人伐鄭冬楚
子伐鄭十一年夏楚子陳侯鄭伯盟于辰陵注云不
日月者莊王行霸約諸侯明王法計徽舒善其憂中
國故為信辭然則比年之間晉楚爭其伐鄭伯
服于楚盟于辰陵楚勝于晉居然明矣故云伐鄭勝
晉也鄭伯肉袒解云即下十二年春楚子圍鄭
鄭伯肉袒左執茅旌右執鸞刀以逆莊王是也
晉大敗于鄆解云即下十二年夏晉荀林父帥

師及楚子戰于鄆晉師敗績註中國精奪解云
正以日者太陽之精諸夏之象今而被食故曰中國
精奪

冬十月己丑葬我小君頃熊而不克葬庚寅日中而克

葬傳頃熊者何宣公之母也註熊氏楚女宣公即僖

公妾子音傾頃熊者何解云欲言是妾卒葬備

而者何難也乃者何註謂問定公日下是乃克葬

而者何解云魯公夫人薨葬多矣此獨言故執不

知問註謂問定公日下是乃克葬解云即是十

五年九月丁巳葬我君定公雨不克葬戊午日下是
乃克葬是也然則言乃之經不於此事而於此問之
者正以葬時遇雨廢葬而難也註禮卜葬從遠日不
乃異文是以連而問之

定 千

公羊疏 卷之五 二十八

克葬見難者臣子重難不得以正日葬其君

禮卜葬從遠日○解云即曲禮上篇云喪事先遠日鄭註云喪事葬與練祥也左氏傳云禮卜葬先遠日辟不懷也

舊典之遺存也曷為或言而或言乃乃難乎而也

言乃者內而深言而者外而淺下是日昃久故言乃孔子曰

其為之也難言之得無訛乎皆所以起孝子之情也

兩不克葬者為不得行葬禮孔子曰生事之以禮死

葬之以禮祭之以禮故不得行禮則不葬也魯錄雨

不克葬者恩錄內尤深也別朝算者明見日乃葬也

○訛音刃孔子至訛乎○解云論語文引之者

算音暮證難言之事必須訛而言之似若臣子

不得正者雖言重難亦須訛而葬之○所以起孝

子之情也○解云謂春秋言而言乃者所以起見孝

子之情重難有淺深故也○魯錄至深也○解云

欲道外諸侯葬多矣而無不克之文者以其恩淺也

○別朝至葬也○解云謂日中與昃然則朝算有早晚也

日

猶

城平陽

楚師伐陳

九年春王正月公如齊

月者善宣公事齊合古禮卒

使齊歸濟西田不就十年月者五年再朝近得正孔

子曰知和而和不以禮節之亦不可行也明雖事人

皆當合禮

○人歸我濟西田是也○解云即下十年春齊

公羊疏
○解云何氏之意以為春秋之道祖述堯舜天子五年一巡狩諸侯亦五年一朝天子是以桓元年註故即位比年使大夫小聘三年使上卿大聘四年又使大夫小聘五年一朝是也然則諸侯自相朝雖文不著若欲以朝亦不過是也宣公五年春公如齊今九年春又如齊乃五年之內不得正盡五年故曰近得正言近者不正是之辭也雖不正是近合於禮是以春秋此年書月以見善宣公至十年公復如齊是為大數唯近取濟西田之文亦不得見善故言不就十年月者五年再朝近得正

公至自齊

夏仲孫蔑如京師

齊侯伐萊

秋取根牟傳根牟者何邾婁之邑也曷為不繫乎邾婁

諱亟也

國

亟疾也屬有小君之喪邾婁子來加禮未

期而取其邑故諱不繫邾婁也上有小君喪而下諱

取之則邾婁加禮明矣未期年從加禮數者猶王子

虎從會葬數

○亟去冀反根牟者何○解云欲言

國文無所繫故執不知問○屬有小君之喪○解云即上八年夏夫人熊氏薨是也○邾婁子來加禮○解云謂上八年冬十月葬頃熊之時邾婁子使人來加禮但例不書之故不見也○未期至婁也○解云去年十月來加禮今年七月而取邑故言未期也加禮者或是賜禭之屬皆是葬前之事而要繫會葬言之言未期者欲取諱亟之義強故也必知過期之後不復諱之者正以定十五年夏五月定公薨邾婁子來奔喪至於哀元年冬仲孫何忌帥師伐邾婁註云邾婁子新來奔喪伐之不諱者期外恩殺惡

輪明當與根牟有差是也。○未期年至葬數。○解云此文欲取未期之義而從加禮數之。若取薨之時則過於期矣。若似僖三十三年冬十二月公薨於小寢。文元年天王使叔服來會葬。夏四月葬我君僖公。文三年夏五月王子虎卒。傳云王子虎者何。天子之大夫也。外大夫不卒。此何以卒。新使乎我也。註云王子虎即叔服也。新為王者使來會葬。在葬後三年中卒。君子思隆於親親。則加報之。故卒明當有恩禮也。然則王子虎之卒。在文三年夏。若數來會葬之時。則在三年之內。若數公卒時四年矣。與此相似。故猶之。

八月滕子卒。

九月晉侯宋公衛侯鄭伯曹伯會于扈。

晉荀林父帥師伐陳。

辛酉晉侯黑臀卒于扈。扈者何。晉之邑也。諸侯卒其

封內不地。此何以地。

據陳侯鮑卒不地。扈者何。若言晉地不應書之。欲道外地。文無所繫。故執不知。問。○據陳侯鮑卒不地。○解云。桓五年春正月甲戌巳丑。陳侯鮑卒。傳云。曷為以二日卒之。戕也。甲戌之日亡巳丑之日死。而得君子疑焉。故以二日卒之。也是其卒于封內。卒于會。故地也。起時衰多窮厄。不書地。故難之。

卒于會。故地也。未出其地。故不言。伐喪而卒于諸侯會上。故地危之。未出其地。故不言。會也。左右皆臣民。所卒于會上。危愈於竟外。故不復著言會也。出外死有輕重。死于師尤甚。於會次之。於人國次之。於封內最輕。不書葬者。故篡也。外死

至最輕。○解云。時衰多窮厄。伐喪師者。用兵之處。而君死焉。故言于師。著其危甚。即襄十八年曹伯自芻

比
比

卒于師是也。是以僖四年夏許男新臣卒，何氏云：不言卒于師者，桓公師無危，是其義也。云於會次之者，與人交接之處，或相劫詐，未可知。若柯之盟，曹子劫桓公之類是也。而君卒焉，故言次之，即定四年夏杞伯戊卒于會，是也。云於人國次之者，正以時多世死，向生而君卒于竟外，似有掩襲之理，但於主國有賓客之道，是故又以為次矣。即襄二十六年秋許男甯卒于楚之屬，是也。云於封內最輕者，正以左右皆民，臣危少於竟外，是以不言於會矣。但有外國之人，亦有危理，故書其地。即此文書晉侯黑臀卒於扈，是也。若不聚會，直卒于封內者，仍自不地，即陳侯鮑卒，是也。也。若然，昭十三年夏四月，楚公子比自晉歸于楚，弑其君虔於乾谿，不與人會，而書地者，彼註云：封內地者，起禍所由，因為戒是也。而云起禍所由者，按彼傳云：靈王為無道，作乾谿之臺，三年不成，楚公子棄疾脅此而立之，然後令于乾谿之役，曰：此已立矣，後歸者不得復其田里，眾罪而去之。靈王經而死，是其致禍之由。○**不書至篡也。**○解云：春秋之義，篡明

者書葬，即小白之屬是也。篡不明者，即不書其葬，以見篡。即此黑臀之屬是也。云云已說于上。
冬十月癸酉，衛侯鄭卒。**不書葬者，殺公子瑕也。****不**
書葬至瑕也。○解云：即僖三十年秋，衛殺其大夫元咺及公子瑕也。不言殺元咺，元咺有罪。云云已說于上。

宋人圍滕

楚子伐鄭

晉卻缺帥師救鄭

陳殺其大夫泄冶

公羊疏 卷之五 漢古開

春秋公羊註疏宣公卷第十六 起十年 盡十八年

漢何休學

十年春公如齊公至自齊齊人歸我濟西田 齊已取

之矣其言我何 據歸謹及僂齊已取不言我 僂

善反 人取謹及僂冬齊人歸謹及僂是也 言

我者未絕於我也曷為未絕於我 據有俄道

有俄道 解云即桓二年傳云至乎地之與之則不

然俄而可以為其有矣彼註云俄者謂須臾之間制

得之頃也言俄爾之間則有絕於本主之 齊已言取

之矣 齊已言語許取之其實未之齊也 其人民

人

公羊疏 卷之五 漢古開

貢賦尚屬於魯實未歸於齊不言來者明不從齊來不當坐取邑凡歸邑物例皆時

○解云按元至取邑云亦因惡齊取篡者賂當坐取邑者正以篡逆之賊天下共惡齊乃許取其賂而與之同似若漢律行言許受財之類故云當坐取邑耳今言不當坐取邑者正以爾來十年仍不入已見宣有禮還復歸之功過相除可以減其初惡是以春秋恕之不復書來以除其過故曰不當坐取邑耳
○凡歸邑物例皆時○解云其歸邑時者即定十年夏齊人來歸運謹龜陰田及此經書春之屬皆是也其歸物時者即莊六年冬齊人來歸衛寶註云寶者玉物凡名是也以此言之則知哀八年齊人歸謹及俾在日月之下不蒙日月亦可知也

夏四月丙辰日有食之

○與甲子既同事重故累食

○與甲子既同○解云即上八年秋七月甲子日有食之即彼註云是後楚莊王圍宋析骸易子伐鄭勝晉鄭伯肉袒晉師大敗于邲中國精奪屈服強楚之應今此與彼同占故曰與甲子既同也

已巳齊侯元卒

齊崔氏出奔衛○崔氏者何齊大夫也其稱崔氏何

○據齊高無咎出奔名連崔氏者與尹氏俱稱氏嫌為

采邑○言微者而得書于經故執不知問○據齊

至奔名○解云即成十七年秋齊高無咎出奔莒是也○連崔氏者○解云與尹氏俱稱氏嫌為采邑者即隱二年夏四月

辛卯尹氏卒是也 貶曷為貶○據外大夫奔不貶 譏世卿世卿非禮○解云即

也。復見譏者，嫌尹氏王者大夫，職重不當世。諸侯

大夫任輕，可世也。因齊大國禍著，故就可以為法戒。

明王者尊莫大於周室，疆莫大於齊國，世卿猶能危

之。復見至世也。解云：即隱三年尹氏卒，單稱

齊大國至危之。解云：欲道等是諸侯，利取即得所

以不於僖二十八年衛元咺出奔晉之經見之者，因

齊大國有弑君之禍，著明于出奔故也。

公如齊。不言奔喪者，尊內也。猶不言朝聘，至內也。

解云：正以上文四月己巳齊侯元卒，則知此經公

如齊者，奔喪而往，而言尊內也者，欲道定十五年夏

公薨于高寢，邾婁子來奔喪，彼則書之，今此否者，尊內故也。

五月公至自齊。五月公至自齊。解云：致例時

而書五月者，為下癸巳出之。

癸巳陳夏徵舒弑其君平國。

六月宋師伐滕。

公孫歸父如齊葬齊惠公。

晉人宋人衛人曹人伐鄭。

秋天王使王季子來聘。王季子者何？天子之大夫也。

其稱王季子何？據叔服不繫王不稱子，王札子不

稱季。王季子者何？解云：欲言諸侯，而王使來聘

至稱子。解云：即文元年天王使叔服來會葬，是也。

札子殺召伯毛伯是也 貴也其貴奈何母弟也 子者王子也

天子不言子弟故變文上季繫先王以明之著其骨

肉貴體親也 子者王子至明之 解云言天子

王子諸侯不繫王者不以親疎錄也不稱王子者時

刺其早任以權也是也既言尤其在位子弟是以不

得稱之王子瑕奔晉天王殺其弟年夫難之云云已

說在文元年 著其至親也 解云以其稟氣

公孫歸父帥師伐邾婁取類 類音類又力 對欺類二反

大水 先是城平陽取根牟及類役重民怨之所生 先是城平陽 解云在上八年冬 取根牟 解云在上九年秋

季孫行父如齊

冬公孫歸父如齊

齊侯使國佐來聘

饑何以書以重書也 民食不足百姓不可復興危

亡將至故重而書之明當自省減開倉廩贍振乏哀

公問於有若曰年饑用不足如之何有若對曰盍徹

乎曰二吾猶不足如之何其徹也對曰百姓足君孰

與不足百姓不足君孰與足 瞻常 豔反

楚子伐鄭

十有一年春王正月。

夏楚子陳侯鄭伯盟于辰陵。不日月者莊王行霸約

諸侯明王法討徵舒善其憂中國故為信辭

公孫歸父會齊人伐莒。

秋晉侯會狄于欒。離不言會言會者見所聞世治

近升平內諸夏而詳錄之殊夷狄也下發傳於吳者

方具說其義故從外內悉舉者明言之

之○解云即成十五年冬十有一月叔孫僑如會晉
士燮齊高無咎宋華元衛孫林父鄭公子魴邾婁人
會吳于鍾離傳云曷為殊會吳外吳也曷為外也春
秋內其國而外諸夏內諸夏而外夷狄王者欲一乎

天下曷為以外內之辭言之言自近者始也註云明
當先正京師乃正諸夏諸夏正乃正夷狄以漸治之
是也

冬十月楚人殺陳夏徵舒。此楚子也。其稱人何？據

下入陳稱子。即下入陳稱子。○解云。曷為貶

據徵舒有罪不與外討也。辟天子故貶見之即

所謂貶絕然後罪惡見。即昭元年傳云春秋不待

貶絕而罪惡見者不貶。不與外討者因其討乎外而

不與也。雖內討亦不與也。雖自討其臣下亦不得

與也。凡在官者殺無舍是以隱四年九月衛人殺

州吁于濮傳曰其稱人何討賊之辭也註云討者除也明國中人人得討之所以廣忠孝之路以此言之則弑君之賊國內人人皆得殺之而言雖內討亦不與者正以與莊王非國內是以不與其外討又言雖內討亦不與者正以莊王身為君而見在寧得更有弑君之賊而討之乎明知莊王內討者更以他罪耳諸侯不得專殺曷為不與○據善為齊誅之○齊誅之○解云即昭四年秋七月楚子以下伐吳執齊慶封殺之傳云此伐吳也其言執齊慶封何為齊誅也其為齊誅奈何慶封走之吳吳實與○不言執封于防何氏云月者善義兵是也

與討賊同文○年夏楚人執陳行人于徵師殺之言執非討賊之文隱四年衛人殺州吁莊九年齊人殺無知皆不言執以見此不言執乃與討賊同文故知實與而文不與文曷為不與諸侯之義不得專討也矣

諸侯之義不得專討則其曰實與之何上無天子下

無方伯天下諸侯有為無道者臣弑君子弑父力能

討之則討之可也○與齊桓專封同義不書兵者時

不伐○與齊桓專封同義○解云即僖元年齊師

則其稱師何不與諸侯專封也曷為不與實與而文不與文曷為不與諸侯之義不得專封也諸侯之義不得專封則其曰實與之何上無天子下無方伯天下諸侯有相滅亡者力能救之則救之可也注云上書者起文從實也今此亦然故曰齊桓專封同義耳○不書兵者時不伐○解云欲決昭四年秋楚子以下伐吳執齊慶封殺之彼實有兵故言伐今此不書兵者時實不伐非是省文之義耳

丁亥楚子入陳

○

日者惡莊王討賊之後欲利其國復

出楚子者為下納善不當貶不可因上貶文

利其國○解云正以春秋之義入例書時傷害多則書月今此書日以詳其惡故如此解○復出楚至

貶文○解云春秋之義以納為篡辭而言為下納善者正以上有起文故與凡納與何者上有討賊之文

而即言納二子于陳故知其善所謂美惡不嫌同辭矣

納公孫甯儀行父于陳

此皆大夫也其言納何

儀行父上未有出奔絕文故見大夫反言納也○甯

反音

子崩贖于戚是其上有出奔絕文而下言納矣而僖

二十五年秋楚人圍陳納頓子于頓上文不言頓子

出奔者正以頓是微國出入不兩書故彼註云頓子

出奔不書小國例也云故見大夫者言此二子

上

絕文故見任為大**納公黨與也**

夫而反言納于陳**徵舒弑君甯儀行**

父如楚訴徵舒徵舒之黨從後絕其位楚為討徵舒

而納之本以助公見絕故言納公黨與不書徵舒絕

之者以弑君為重主書者美楚能變悔改過以遂前

功卒不取其國而存陳不繫國者因上入陳可知

不書至主書者○解云若書徵舒絕之宜云陳公

孫甯等出奔楚傳云此訴于楚矣曷為謂之出奔徵

舒絕其位是以謂之奔也○美楚至改過○解云

謂之入陳是也○以遂前功○解云討徵舒是也

○不繫國至可知○解云欲決

哀二年納衛世子云繫衛是也

十有二年春葬陳靈公討此賊者非臣子也何以書

公羊疏

卷之十六

汲古閣

葬據惠公殺里克不書卓子葬○據惠至子葬

春里克弑其君卓夏君子辭也楚已討之矣臣子雖

欲討之而無所討也無所復討也不從殺泄冶不

書葬者泄冶有罪故從討賊書葬則君子辭與泄冶

罪兩見矣不月者獨寗儀行父有訴楚功上已言納

故從餘臣子恩薄略之君子至討也○無所復

賊亦是惠公已討之其臣子雖欲討之亦無所討而

不作君子辭者正以惠公之殺里克不作討賊之意

是以春秋不書卓子葬以責其臣子也今此楚莊本

以討賊之意而殺徵舒賊不可再討故不責之○

不從至有罪○解云案何氏兩解乎正以春秋之義

罪而此註云有罪者其何氏兩解乎正以春秋之義

殺無罪大夫者例去其葬以見之今乃經書靈公之

葬則知泄冶有罪明矣而膏肓以為無罪者蓋以諫

君之人罪之無文而左氏罪之故言無罪矣而此何

氏以為有罪者其更有他罪乎從討至兩見矣

○解云賊不討不書葬者欲責臣子不討賊今而書

葬則知賊已討矣君子恕之不復責臣子矣又且君

殺無罪大夫則不書其葬今靈公殺泄冶而得書葬

則知泄冶有罪明矣故云兩見矣不月者至略

之○解云正以卒日葬月大

國之常今書春故須辨之

楚子圍鄭

夏六月乙卯晉荀林父帥師及楚子戰于邲晉師敗績

大夫不敵君此其稱名氏以敵楚子何據城濮

之戰子玉得臣貶也據城濮至貶也○解云即

僖二十八年夏晉侯以下楚

及古閣

卷之六

人戰于城濮，楚師敗績。傳云：此大戰也。曷為使微者？子玉得臣也。子玉得臣，則其稱人何？貶曷為貶大夫？不敵也。不與晉而與楚，子為禮也。不與晉而反與楚，君也。

子為君臣之禮，以惡晉。不與晉至禮也。解云：但作一句連讀之。註云：不與

晉而反與楚，子為君臣之禮，亦為一句連讀之。以惡晉。解云：內諸夏以外夷狄。春秋之常，今敘晉于楚子之上，正是其例。而知其惡晉者，但楚莊德進行修，同於諸夏，討陳之賊，不利其土，入鄭皇門而不取其地，既卓然有君子之信，寧得殊之。既不合殊，即是晉侯之匹。林父人臣，何得序于其上？既序人君之上，無臣子之禮，明矣。臣曷為不與晉而與楚子為禮而不臣，故知惡晉也。

也。據城濮之戰，貶得臣者，不與楚為禮。莊王伐鄭，

勝乎皇門。放乎路衢。路衢，

郭內衢道，四達謂之衢。道四達謂之衢。鄭伯肉

袒左執茅旌。茅旌，祀宗廟所用。迎道神指護祭者，

斷曰：藉不斷曰旌。用茅者，取其心理順。自本而暢

乎末，所以通精誠副至意。斷音短。意。茅旌至至

旌，祀宗廟所用。云者，皆時王之禮。正以公羊子是景帝時人，是以何氏取當時之事，以解其語。云用茅者，取其心理順。一者言茅心文理皆順無逆矣。云自本而暢乎末者，言其文理從本而申暢于末，無絕以絕之。右執鸞刀。鸞刀，宗廟割切之刀。環有和，鋒有鸞

執宗廟器者，示以宗廟不血食自歸首。鸞刀，宗

解云：亦時王之制。祭義亦云：祭之日，君牽牲，卿大夫序從。彼註云：序以次第從也。既入廟門，麗于碑，卿大

夫社而毛牛尚耳。鷺刀以割取胾骨。鄭註云：麗猶繫也。毛牛尚耳以耳毛為上也。胾骨血與腸間脂也。又祭統云：鷺刀羞臠。是鷺刀為宗廟割切之刀矣。○解云：言示以宗廟者，言示楚以執宗廟至自歸首。○解云：言示以宗廟者，言示楚以宗廟血食之器也。言已宗廟將墮，滅對酌在楚耳。故言自歸首矣。

無良邊垂之臣。諸侯自稱曰寡人。天子自稱曰朕。良善也。無善喻有過言已有過於楚邊垂之臣。謙不

敢斥莊王。諸侯自稱曰寡人。○解云：曲禮文。○天子自稱曰朕。○解云：特王之禮也。

若古禮自稱。以于天禍。干犯也。謙不敢斥莊王。歸

之於天。是使君王沛焉。沛焉者，怒有餘之貌。猶

傳曰：力沛者有餘。沛音普。猶傳至有餘。○解

辱到。蓋反。云文十四年傳文。

若 干 干

敝邑。遠自勞辱到于鄭也。諸侯自稱國曰敝邑。君

如矜此喪人。自謂已喪亡。錫之不毛之地。境坳

不生五穀。曰不毛。謙不敢求肥饒。○境坳上音苦。境坳

坳至肥饒。○解云：境坳者，境坳之稱。若欲言境坳矣。使帥一二耆老而綏焉。

六十稱耆。七十稱老。綏安也。謙不敢多索丁夫。願得

主帥一二老夫以自安。○多索所自反。稱老。六十至

云：七十稱老。曲禮文也。按今曲禮云：七十曰耆。與此

請唯君王之命。莊王曰：君之不令。臣交易為言。是

亦莊王謙不斥鄭伯之辭。令善也。交易猶往來也。言

者 俗

君之不善臣屢往來為惡言○屢往力住反是以使

寡人得見君之玉面而微至乎此○微喻小也積小

語言以致於此○故國君取夫人之辭曰請君之玉

女與寡人共有敝邑事宗廟社稷鄭註云言玉女者

美言之也君子於玉比德焉然則此言玉面者亦美

言之也莊王親自手旌○自以手持旌也緇廣充幅長

尋曰旒繼旒如燕尾曰旒加文章曰旗錯革鳥曰旗

註旒首曰旒○緇廣充至曰旒○解云此註皆爾

異或何氏潤色之按今爾雅釋天緇作緇字孫氏云

緇黑緇也郭氏云帛全幅長八尺又云繼旒曰旒孫

氏云帛續旒末亦長尋詩云帛旒英英是也郭氏曰

帛續旒末為燕尾者故此何氏云繼旒如燕尾曰旒

据疏緇當作緇

注

旆

集

注

也又云有鈴曰旆李氏云有鈴以鈴著旆端孫氏曰

鈴在旆上旆者畫龍郭氏曰縣鈴於竿頭畫交龍於

旆是以此註云加文章曰旗也又云錯革鳥曰旗李

氏云以革為之置於旆端孫氏曰錯置也革急也言

畫急疾之鳥于旆周官所謂鳥準為旗者矣又云註

旆首曰旆李氏云以羗牛尾旆首者郭氏云載旆於

竿頭如今之幢亦旆是也左右撝軍退舍七里將軍子重諫曰

南郢之與鄭相去數千里○南郢楚都不能二千里

言數千里者欲深感莊王使納其言○數所諸大夫

死者數人廝役扈養死者數百人○艾草為防者曰

廝汲水漿者曰役養馬者曰扈炊烹者曰養○扈養

艾魚○艾草至曰養○解云蓋今君勝鄭而不有

廢反○于時猶然是以何氏知之

無乃失民臣之力乎

注

無乃猶得無

注

無乃猶得無

得無失民臣之力乎

言其失民臣之力矣。莊王曰古者杆不穿皮不蠹則

不出於四方

注

杆飲水器穿敗也皮裘也蠹壞也言

杆穿皮蠹乃出四方古者出四方朝聘征伐皆當多

少圖有所喪費然後乃行爾喻已出征伐士卒死傷

固其宜也不當以是故滅有鄭恥不得早服也

○杆不音

于費芳

注

杆飲水器○解云其音于若今馬孟矣

味反

注

舊說云杆是杆字若今食袋矣案今音作

于則舊說非是以君子篤於禮而薄於利篤厚也不惜

杆皮之費而貴朝聘征伐者厚於禮義薄於財利要

其人而不要其土

注

本所以伐鄭者欲要其人服罪

過耳不要取其土地猶古朝聘欲厚禮義不顧杆皮

告從

注

從服從不赦不詳

注

善用心曰詳吾以不詳

道民災及吾身何日之有

注

何日之有猶無有日既

則晉師之救鄭者至

注

荀林父也曰請戰

注

荀林父

請戰莊王許諾將軍子重諫曰晉大國也

注

國大衆

疆王師淹病矣

注

淹久也諸大夫廝役死者是君請

勿許也莊王曰弱者吾威之疆者吾辟之是以使寡

人無以立乎天下

注

以是故必使寡人無以立功名

于天下令之還師而逆晉寇言還者時莊王勝鄭

去矣會晉師至復還戰也言寇者傳序經意謂晉如

寇虜莊王鼓之晉師大敗晉衆之走者舟中之指可

掬矣時晉乘舟度邲水戰兵敗反走欲急去先入

舟者斬後板舟者指指隋舟中身隋邲水中而死可

掬者言其多也以兩手曰掬禮天子造舟諸侯維舟

卿大夫方舟士特舟○可掬九六反註同板普顏反又作必顏反造七報反

禮天子造舟至士特舟○解云釋水文也造孫氏云比舟爲梁郭氏云此船爲橋舊說云以舟爲橋謂其上而行過故曰造舟也言以舟爲梁故謂之造造成也諸侯維舟孫氏云維連四船音義曰維持使不

動搖也者是也大夫方舟者李氏云併兩船曰方舟也士特舟者郭註云單船李氏云一舟曰特舟是也

按爾雅下文云庶人乘舟李氏曰併本以渡別尊卑是也此註引之不盡者蓋爾氏所見者無此文矣按今孫郭所註莊王曰嘻吾兩君不相好敵大夫戰者亦有其文

言兩君者林父本以君命來百姓何罪令之還師而

佚晉寇佚猶過使得過渡邲水去也晉見莊王行

義於陳功立威行嫉妬欲敗之救鄭雖解猶擊之不

止爲其欲壞楚善行以求二人故奪不使與楚成禮

而序林父於上罪起其事言及者大臣及君不嫌晉

直明晉汲汲欲敗楚爾陸戰當舉地而舉水者大莊

王閔隋水而佚晉寇。○而佚音逸。註同。壞音惟。威行。○解云。即二十一年討夏徵舒。是其行義也。討陳既得。鄭人遂服。是其功立威行也。○救鄭至之不止。○解云上。文令之還師之下。註云。言還者。時莊王勝鄭去矣。會晉師至。復還戰也。以此言之。晉師未至之時。楚師已解去也。非謂晉人擊之令解也。言猶擊之不止者。謂欲一逐而擊之。非謂已擊也。

秋七月。

冬十有二月戊寅。楚子滅蕭。○日者。屬上有王言。今反。

滅人。故深責之。○義。滅例。書月。即莊十年冬十月。齊師滅譚之屬。是今乃書日。故解之也。言屬上有王言。謂適上文云。莊王曰。嘻。吾兩君不相好。百姓何罪。舍之還師。而佚晉寇者。王霸之言也。王者之道。宜存人。矜患。今反滅人。為過深矣。是故書日。變於常例。故曰。

宋師以下當在後經下

深責之耳。宋師伐陳者。按諸家經皆有此文。唯賈氏註者闕此。一經疑脫耳。

晉人宋人衛人曹人同盟于清丘。

宋師伐陳。衛人救陳。

十有三年春。齊師伐衛。

夏。楚子伐宋。

秋。螽。○先是新饑。而使歸父會齊人伐莒。賦歛不足。國

家遂虛。下求不已之應。○螽。音冬。○先是新饑。○解云。即十年冬書饑是也。

○而使至伐莒。○解云。即上十二年公孫歸父會齊人伐莒是也。

冬。晉殺其大夫先穀。

十有四年春衛殺其大夫孔達

夏五月壬申曹伯壽卒日者公子喜時父也緣臣子

尊榮莫不欲與君父共之故加錄之所以養孝子之

志許人子者必使人父也日者公子至使父也

卒月葬時即昭十八年三月曹伯須卒秋葬曹平公

之屬是今而書日故以加錄解之也公子喜時之讓

在成十三年曹伯廬卒處也其傳云云之說在昭二

十年曹公孫會自鄭出奔宋之下云所以養孝子之

志者正以喜時之讓而春秋尊榮其父故曰養孝子

之志也云許人子者必使人父也者謂喜時為子必

使其人父亦尊榮是以加錄之似若襄二十九

年傳云以季子為臣則宜有君者也之類也

晉侯伐鄭

秋九月楚子圍宋月者惡久圍宋使易子而食之

鳥路反上十二年春楚子圍鄭之屬是今而書月故

解之言使易子而食

之者下十五年傳文

葬曹文公

冬公孫歸父會齊侯于穀

十有五年春公孫歸父會楚子于宋宋見圍不得與

會地以宋者善內為救宋行雖不能解猶為見人之

厄則矜之故養遂其善意不嫌與實解宋同文者平

事見刺皆可知與音預

宋見至皆可知解云春

者皆是主人與之可知即隱元年九月及宋人盟于宿註云宿不出主名者主國主名與可知故省文明宿當自首其榮辱也今宋見圍不得與會而地以宋者正欲善內為救宋行養遂其善意故地與宋耳不嫌與實解宋同文者平專見刺皆可者魯春會楚子于宋至夏宋楚始平村度其事則知魯人不能平得之未圍自解也且下傳云此皆大夫也其稱人何貶為貶平者在下也註云言在下者譏二子在君側不先以便宜反報歸美于君而生事專平故貶稱人然則二子專平口云易子析骸明其急矣遂不告君是以見刺被貶稱人以此言之宋圍不解亦可知矣故言平事見刺皆可舊云見刺者謂魯人見刺也者疑之

夏五月宋人及楚人平。外平不書。此何以書。據上

楚鄭平不書。據上至不書。○解云。適上十二年春楚子圍鄭之時。傳云莊王親自手

旌左右。擣軍退舍七里。是其大其平乎已也。已二平也。但經不書之。故難之。

大夫何大乎其平乎已。據大夫無遂事。夫無遂

事。○解云。即莊十九年傳云。大夫無遂事。此其言遂何。聘禮大夫受命不受辭是也。莊王圍宋

軍有七日之糧。爾盡此不勝。將去而歸。爾於是使司

馬子反乘堙而窺宋城。宋華元亦乘堙而出。見之。

堙距堙土城具。軍有七日之糧。至歸爾。○解云。考

日盡此不勝。將去而歸。爾即云更留七日之糧。有糧

而不得勝。將去宋而歸。爾今定本無下七日二字。

司馬子反曰。子之國何如。華元曰。憊矣。曰何如。問

憊意也。○憊皮。曰易子而食之。析骸而炊之。析破

骸人骨也。司馬子反曰：「嘻，甚矣！憊雖然。」雖如所言。

吾聞之也。圍者，古有見圍者，楫馬而秣之。秣者，以粟置馬口中，楫者以木銜其口，不飲令食粟，示有畜積。使肥者應客，示飽足也。是何子

之情也。猶曰：何大露情？是何子之情也。解云：然也。子之情者，言子之露情也。是以何氏云：猶曰：何大露情。華元曰：「吾聞之，君子

見人之厄則矜之，矜閔，小人見人之厄則幸之。幸，僥幸。吾見子之君子也，是以告情于子也。司馬子反曰：「諾。」諾者，受語辭，勉之矣。勉猶努力，使努力。

子

堅守之，吾軍亦有七日之糧。爾盡此不勝，將去而歸。

爾揖而去之。反于莊王。反報于莊王。莊王曰：「何如？」

司馬子反曰：「憊矣。」曰：「何如？」曰：「易子而食之，析骸而炊

之。」莊王曰：「嘻，甚矣！憊雖然。」雖已憊，吾今取此，然後

而歸爾。意未足也。司馬子反曰：「不可。臣已告之矣。」

軍有七日之糧。爾盡此不勝，將去而歸。

告之。司馬子反曰：「以區區之宋。」區區，小貌，猶有不

欺人之臣，可以楚而無乎？是以告之也。莊王曰：「諾。」

先以諾受，絕子反語，舍而止。受命築舍而止，示無

去計雖然。雖宋已知我糧短，吾猶取此。然後歸爾。
 欲徵糧待勝也。司馬子反曰：然則君請處于此，臣
 請歸爾。莊王曰：子去我而歸，吾孰與處于此？吾亦從
 子而歸爾。引師而去之。故君子大其平乎已也。
 其有仁恩，此其大夫也。其稱人何？貶曷為貶？
 其平平者在下也。言在下者，譏二子在君側，不先
 以便宜反報，歸美于君，而生事專平，故貶稱人等不
 勿貶，不言遂者在君側，無遂道也。以主坐在君側，遂
 為罪也。知經不以文實貶也。凡為文實貶者，皆以取

專事為罪，月者，專平不易。

等不勿貶至道也。解云：按莊十九年秋公

子結勝陳人之婦于鄆，遂及齊侯、宋公盟之下。傳云：大夫無遂事，此其言遂何？聘禮大夫受命不受辭，出竟乃得專之。以此言之，則知大夫在君側，無遂道也。是以此註言等欲見大夫專平為罪，不勿貶，但當言遂亦足以見其專平矣。所以不言遂者，正以在君側無遂道故也。若當言楚圍宋，宋華元、楚子反遂平于宋矣。○以主至為罪。○解云：凡言遂者，專事之辭也。為文實貶者，皆以時無王霸諸侯專事，雖違古典于時為宜，是以春秋文雖貶惡其實與之，即僖元年齊師云：云救邢，貶齊侯稱師，刺其專事，不言狄人滅邢而為之諱，見其實與是也。今此以主坐為在君側，專事為罪，更無起文，則知經稱人者，實為專貶之稱人，非是實與而文不與矣。所以反覆解之者，正以凡為文實貶者，皆以取專事為罪故也。○月者，專平不易。○解云：正以定十二年冬及鄭平，不書月者，易故也。昭七年春王正月，暨齊平，註云：月者，刺內暨暨

也定十年春王三月及齊平註云月者類谷之會齊侯欲執定公故不易之類皆如此

六月癸卯晉師滅赤狄潞氏以潞子嬰兒歸潞何以

稱子國据其滅稱氏潞子之為善也躬足以亡爾國

躬身雖然君子不可不記也離于夷狄國疾夷狄之

俗而去離之故稱子而未能合於中國國未能與中

國合同禮義相親比也故猶繫赤狄晉師伐之中國

不救狄人不有是以亡也國以去俗歸義亡故君子

閔傷進之日者痛錄之名者示所聞世始錄小國也

錄以歸者因可責而責之責而加進之者明不當絕

當復其氏國以去至其氏○解云言以去俗歸義

義空無救助者是以亡也正以文在蠻夷氏之下故

取以說之云日者痛錄之者正以凡滅例月今此書

日故以為哀痛而詳錄之耳云名者示所聞世始錄

小國也者正以僖二十六年秋楚人滅隗以隗子歸

彼註云不名者所傳聞世見治始起責小國略然則

此書名者示所聞世始錄小國也云錄以歸者因可

責而責之者謂因其行進在可責之限故書以歸責

其不死位是以僖二十六年以隗子歸之下何氏云

書以歸者惡不死位是也云明不當絕當復其氏者

言其行既進明不當絕滅其國還當復其潞氏以為

矣國

秦人伐晉

王札子殺召伯毛伯國王札子者何長庶之號也國天

重 名

子之庶兄。札者冠且字也。禮天子庶兄冠而不名，所以尊之。子者，王子也。天子不言子弟，故變文上札繫。先王以明之，不稱伯仲者，辟同母兄弟起其為庶兄也。主書者，惡天子不以禮尊之，而任以權，至今殺尊卿二人，不言其大夫者，挈也。惡二大夫居尊卿之位，為下所提挈而殺之。大夫相殺，不稱人者，正之。諸侯大夫顧弑君仲，故降稱人。王者至尊，不得顧。王札何。解云：欲言王子，以札間之。欲言其非，而經有王子之文，故執不知問。天子至得顧。解云：言禮天子庶兄冠而不名，所以尊之者。時王之制與春秋同也。言既加冠之後，天子不復明之，所以尊之也。云

子者，王子也。天子不言子弟，故變文上札繫。先王以明之者，言子者，王子也。者，正以子在札下，故須解之。言天子不言子弟者，謂不言在位子弟也。即文元年註云：不稱王子者，時天子諸侯不務求賢而專貴親親，尤其在位子弟，刺其早任以權也。是也。至於出奔被殺，仍自言子弟，即王子瑕奔晉，天王殺其弟年夫之屬，是言故變文者，謂變文不言王子也。言上札繫先王以明之者，謂以札於子上，以札近先王，明其今王之庶兄矣。云不稱伯仲者，辟同母兄弟起為庶兄也。者，若其與君同母者，即稱伯仲字，即上十年秋，天王使王季子來聘，彼傳云：其稱王季子何貴也。其貴奈何。母弟也是也。今稱王札子，故言辟同母兄弟起其為庶兄也。云主書者，惡天子不以禮尊之，而任以權，至今殺尊卿二人者，正以經不稱爵，知非公，故云言其大夫者，挈也。者，由其為下所提挈而殺之。失大夫位，故不云大夫也。云居尊卿之位者，正以稱其伯仲字，知是尊卿耳。云大夫相殺，不稱人者，正之者，以

文十六年宋人弑其君處白之下傳云大夫弑君稱名氏賤者窮諸人註云賤者謂士也士正自當稱人大夫相殺稱人賤者窮諸盜註云降大夫使稱人降士使稱盜者所以別死刑有輕重也然則大夫相殺例合稱人今此不稱人者正之使稱王札子故也所以正之者如下云諸侯大夫顧弑君重故降稱人者即大夫弑君稱名氏大夫相殺稱人是也云王者至尊不得顧者言至尊之人無有弑之理不可顧是以大夫相殺不假降之稱人矣

秋

螻

從十三年之後上求未已而又歸父比年再出

會內計稅畝百姓動擾之應

傳

從十三年至之應

秋螻註云先是新饑而使歸父會齊人伐莒賦斂不足國家遂虛下求不已之應是以以此註足之云爾云而又歸父比年再出會者即上十四年冬公孫歸父會齊侯于穀十五年春公孫歸父會楚子于宋是也

仲孫蔑會齊高固于牟婁

初稅畝

傳

初者何始也稅畝者何履畝而稅也時宣

公無恩信於民民不肯盡力於公田故履踐按行擇

其善畝穀最好者稅取之

傳

初者何○解云賦稅之式國之常經今而言初

故執不知問○稅畝者何○解云什一而行初稅畝

明王舊典今而變文謂之稅畝故執不知問

何以書 譏何譏爾 譏始履畝而稅也 何譏乎始履畝

而稅 **傳** 据用田賦不言初亦不言稅畝 **傳** 据用田

解云即哀十二年春用田賦是也然則用田賦亦是改古易常而不言初又不言稅畝今此特言初稅畝以譏之故 **古者什一而藉** 什一以借民力以什與難之也

民自取其一為公田古者曷為什一而藉國据數非

一什一者天下之中正也多乎什一大桀小桀國奢

泰多取於民比於桀也國多乎什一大桀小桀國解

過什一與之相似若十取四五則為桀之大貪若取

二三則桀為之小貪故曰多乎什一大桀小桀所以

不言紂者略舉以為說耳舊說寡乎什一大貉小貉

云不言紂者近事不嫌不知國蠻貉無社稷宗廟百官制度之費稅薄國大貉國反費芳

味國寡乎至小貉國蠻貉至稅薄國解云若十四

反國五乃取其一則為大貉行若十二乃取一

則為小貉行故曰寡乎什一則大貉小貉也然則多

於什一則有為桀之譏寡於什一則有蠻貉之恥是

以什一而稅三王所不國什一者天下之中正也什一

易故傳比於中正之言

行而頌聲作矣國頌聲者太平歌頌之聲帝王之高

致也春秋經傳數萬指意無窮狀相須而舉相待而

成至此獨言頌聲作者民以食為本也夫饑寒並至

雖堯舜躬化不能使野無寇盜貧富兼并雖臯陶制

法不能使疆不陵弱是故聖人制井田之法而口分

之一夫一婦受田百畝以養父母妻子五口為一家

公田十畝即所謂什一而稅也廬舍二畝半凡為田

一頃十二畝半八家而九頃共為一井故曰井田廬

舍在內貴人也公田次之重公也私田在外賤私也

井田之義一曰無泄地氣二曰無費一家三曰同風俗四曰合巧拙五曰通財貨因井田以爲市故俗語曰市井種穀不得種一穀以備災害田中不得有樹以妨五穀還廬舍種桑荻雜菜畜五母雞兩母豕瓜果種疆畔女上蠶織老者得衣帛焉得食肉焉死者得葬焉多於五口名曰餘夫餘夫以率受田二十五畝十井共出兵車一乘司空謹別田之高下善惡分爲三品上田一歲一墾中田二歲一墾下田三歲一墾肥饒不得獨樂境墦不得獨苦故三年一換主易

疆

比

居財均力平兵車素定是謂均民力疆國家在田曰廬在邑曰里一里八十戶八家共一巷中里爲校室選其耆老有高德者名曰父老其有辯護伉健者爲里正皆受倍田得乘馬父老此三老孝弟官屬里正比庶人在官吏民春夏出田秋冬入保城郭田作之時春父老及里正旦開門坐塾上晏出後時者不得出算不持樵者不得入五穀畢入民皆居宅里正趨緝績男女同巷相從夜績至於夜中故女功一月得四十五日作從十月盡正月止男女有所怨恨相從

而歌饑者歌其食勞者歌其事男年六十女年五十無子者官衣食之使之民間求詩鄉移於邑邑移於國國以聞於天子故王者不出牖戶盡知天下所苦不下堂而知四方十月事訖父老教於授室八歲者學小學十五者學大學其有秀者移於鄉學鄉學之秀者移於庠庠之秀者移於國學學於小學諸侯歲貢小學之秀者於天子學於大學其有秀者命曰進士行同而能偶別之以射然後爵之士以才能進取君以考功授官三年耕餘一年之畜九年耕餘三年

之積三十年耕有十年之儲雖遇唐堯之水殷湯之旱民無近憂四海之內莫不樂其業故曰頌聲作矣

○數所主反以食音嗣仇苦浪什一行而頌聲作反一音苦杏反塾音淑募音暮矣○解云頌者大平之歌按文宣之時乃升平之世也而言頌聲作者因事而言之故也何者案文宣之時乃升平之世言但能均其眾寡等其功業平正而行必時和而年豐什一而稅之則四海不失業歌頌功德而歸鄉之故曰頌聲作矣不謂宣公之時實致頌聲○帝王之高致也○解云謂帝王之行清高乃致頌聲故曰高致也○春秋經傳至作矣○解云言春秋經與傳致也○論其科指意義實無窮然其上下經例相須而舉其上下意義相待而成以此言之則非一言可盡至此獨言頌聲作者正以此處論稅畝之事若稅畝得所以致太平故云民以食為本也云夫饑寒並至雖堯舜躬化不能使野無盜寇云云者是謂假

設之辭耳云是故聖人制井田之法而口分之一夫
 一婦受田百畝云云以下皆是時王之制云井田之
 義一曰無泄地氣者謂其冬前相助犁云二曰無費
 一家者謂其田器相通云三曰同風俗者謂其同耕
 而相習云四曰合巧拙者謂其治耒耜云五曰通財
 貨者謂井地相交遂生恩義貨財有無可以相通云
 因井田以為市故俗語曰市井者古者邑居秋冬之
 時入保城郭春夏之時出居田野既作田野遂相交
 易井田之處而為此市故謂之市井云里正旦開門
 坐塾上者即鄭註學記曰古者仕焉而已者歸教於
 閭里朝夕坐於門門
 側之堂謂之塾是也

冬蠖生○蠖與未有言蠖生者此其言蠖生何○蠖即蠖也

始生曰蠖大曰蠖○蠖與蠖生不書此何以書幸之

也○蠖生不書○解幸之者何○聞災當

懼反喜非其類故執不知問猶曰受之云爾受之云

爾者何上變古易常○上謂宣公變易公田古常舊

制而稅畝○受之云爾者何○解云災是害物宜避

應是而有天災○應是變古易常而有天災蠖民用

饑其諸則宜於此焉變矣○言宣公於此天災饑後

能受過變寤明年復古行中冬大有年其功美過於

無災故君子深為喜而僥倖之變蠖言蠖以不為災

書起其事

饑

十有六年春王正月。晉人滅赤狄甲氏及留吁。言及者留吁行微不進。

夏成周宣榭災。成周者何。東周也。後周分爲二天

下所名爲東周。名爲成周者。本成王所定名。天下初

號之云爾。宣榭災左。成周者何。解云。欲言天

言是邑而錄其災。故執不知問。後周至之云爾。

二年夏。景王崩。敬王卽位。王子猛與之爭立。入于王

城。自號西周。是故天下之人。因號成周爲東周矣。是

以昭二十二年秋。劉子單子以王猛入于王城。傳云

王城者何。西周也。註云。時居王城邑。自號西周。王二

十六年冬十月。天王入于成周。傳云。成周者何。東周

也。註云。是時王猛自號爲西周。天下因謂成周爲東

周也。云名爲成周者。卽鄭註書序云。居攝七年。天下

太平。而此邑成。乃名曰成周也。者。是其名作成周之

義。宣榭者何。宣宮之榭也。宣宮。周宣王之廟也。至

此不毀者。有中興之功。室有東西廂。曰廂。無東西廂

有室曰寢。無室曰榭。宣榭者何。解云。宣王親盡

知問。室有東西廂。至曰榭。解云。皆釋宮文。李氏

曰。室有東西廂。謂宗廟殿有東西小堂也。孫氏云。夾

室前堂。無東西廂。有室曰寢。郭註云。但有大室。云

無室曰榭者。但有大殿。無室內名曰榭。郭註云。榭卽

今堂。堊。何言乎成周宣榭災。據天子之居稱京師

是也。宋災不別所燒。年紀季姜歸于京師。傳云。京師者

何。天子之居也。京者何。大也。師者何。衆也。天子之居

必以衆大之辭言之。是也。云宋災不別所燒者。卽襄

公作虎。卷之二十六。及古周。

王十年夏五月宋災是也特据宋樂器藏焉爾宣
 災者以其王者之後與周相類也樂器藏焉爾宣
 王中興所作樂器宣王之時樂器有壞故宣王作之不
 謂更造別樂何者正以考諸古成周宣榭災何以書
 典不見宣王別有樂名故也記災也外災不書此何以書新周也
 有災不與宋同也孔子以春秋當新王上黜杞下新
 周而故宋因天災中興之樂器示周不復興故繫宣
 榭於成周使若國文黜而新之從為王者後記災也
 榭榭屬相使若至記災也○解云使周成為國與宋齊之
 之下傳云外災不書此何以書為王者之後記災也是也

秋邾伯姬來歸嫁不書者為媵也來歸書者後為嫡
 也死不卒者已棄有更適人之道或時為大夫妻故
 不得待有初也棄歸例有罪時無罪月嫁不至
 云正以春秋上下魯女嫁為諸侯夫人者無不書之
 即叔姬歸于紀伯姬歸于宋之屬是也今此不書故
 知為媵若然按隱七年叔姬歸于紀註云叔姬者伯
 姬之媵也媵賤書者後為嫡然則彼後為嫡初去則
 書此亦後得為嫡而初嫁不書者蓋以不賢故也是
 以彼註云媵賤書者後為嫡終有賢行紀侯為齊所
 滅紀季以鄒入于齊叔姬歸之能處隱約全竟婦道
 故重錄之是也然則彼以終有賢行故初去得書此
 則初去不書明其無賢也正以其嫡不書則知伯姬
 非姪娣也左媵右媵皆尊于嫡姪娣故後得為嫡耳
 云來歸書者後為嫡也者正以紀叔姬後為嫡卒葬
 皆書即莊二十九年紀叔姬卒三十年葬紀叔姬是

公羊疏

卷之二十七

及古周

也今此被出亦待書見故知後得為嫡矣云死不卒者已棄云云按莊二十九年紀叔姬卒註云國滅卒者從夫人行待之以初也然則彼叔姬者莊十二年歸于鄆時從夫人行故雖國滅猶得待之以初今此伯姬或時為大夫妻故不得作夫人待之是以不復書其卒矣云云之說在莊二十九年云棄歸例云云有罪時者此文書秋是也無罪月者即成五年春王正月杞叔姬來歸之屬是也

冬大有年

十有七年春王正月庚子許男錫我卒

錫思歷反

丁未蔡侯申卒

夏葬許昭公

葬蔡文公不月者齊桓晉文沒後先背中國與楚故

略之與楚在文十年

不月至文十年○解云正以卒日葬月大國之常例今

此蔡侯不月故解之云與楚在文十年者即文十年冬楚子蔡侯次于屈貉者是也

六月癸卯日有食之

是後邾婁人戕鄆子四國大夫

敗齊師于鞏齊侯逸獲君道微臣道強之所致音安

是後至之所致○解云即十八年秋邾婁人戕鄆子于鄆傳云殘賊而弑之也是也云四國大夫敗齊師于鞏者即成二年夏六月季孫行父云云會晉卻克衛孫良夫曹公子手及齊侯戰于鞏齊師敗績是也言齊侯佚獲者即成二年秋七月齊侯使國佐如師傳云君不使乎大夫此其行使乎大夫何佚獲也註云佚獲者已獲而逃亡也當絕賤使與大夫敵體以起之是也

己未公會晉侯衛侯曹伯邾婁子同盟于斷道

斷音短又大

反短

秋公至自會

冬十有一月壬午公弟叔肸卒稱字者賢之宣公篡

立叔肸不仕其朝不食其祿終身於貧賤故孔子曰篤信好學守死善道危邦不入亂邦不居天下有道則見無道則隱此之謂也禮盛德之士不名天子上大夫不名春秋公子不為大夫者不卒卒而字者起其宜為天子上大夫也孔子曰興滅國繼絕世舉逸民天下之民歸心焉

十有八年春晉侯衛世子臧伐齊

公伐杞

夏四月

秋七月邾婁人戕鄆子于鄆戕鄆子于鄆者何殘賊

而殺之也支解節斷之故變殺言戕戕則殘賊惡

無道也言于鄆者刺鄆無守備小國本不卒故亦不

日音短戕鄆子于鄆者何解云欲言殘賊于鄆
國都欲言非殘賊戕者殘文故執不知問
○小國本至不日解云正以凡滅例月即莊十
年冬十月齊師滅譚之屬是若有所責者則書日即
上十二年十二月戊寅楚子滅蕭註云日者屬上有
王言今反滅人故深責之是也然則邾婁無道殘賊

人君子其國都與滅相似亦宜書日以責其暴而不日者正以鄙為微國本不合卒是以略之不書其日也而僖十九年夏六月己酉邾婁人執鄆子用之亦是無道與此相似而書日者彼註云日者魯不能防正其女以至於此明當痛其女禍而自責之是也

甲戌楚子旅卒何可以不書葬据日而名据日而名

解云書日書名全一是諸夏大國之例是以吳楚之弟子因遂責其不與大國例同書葬是也

君不書葬辟其號也旅即莊王也葬從臣子辭當

稱王故絕其葬明當誅之至此卒者因其有賢行行

孟至此至賢行○解云正以已前未有書楚子反卒處故也若文十八年春秦伯罃卒彼註云秦卒者因其賢

卒者因其賢

公孫歸父如晉

冬十月壬戌公薨于路寢

歸父還自晉至櫪遂奔齊還者何善辭也何善爾歸

父使於晉上如晉是還者何解云以大夫使

於常例故還自晉至櫪聞君薨家遣家為魯所逐

遣以先人弑君故也即成十五年春仲嬰齊卒之

下傳言公子遂殺叔仲惠伯弑于赤而立宣公宣公

死成公幼臧宣叔者相也君死不哭聚諸大夫皆雜然曰

焉曰昔者叔仲惠伯之事孰為之諸大夫皆雜然曰

仲氏也其然乎於是遣歸父之家然後哭君歸父使

乎晉還自晉至櫪聞君薨家遣墀帷哭

君成踊反命于介自是走之齊是也墀帷掃地

曰墀今齊俗名之云爾將祖踊故設帷重形

音善掃

地張哭君成踊踊辟踊也禮必踊者如嬰兒之慕

母矣成踊成三日五哭踊之禮禮臣為君本服斬衰

故成踊比二日朝算哭踊三日朝哭踊算不復哭踊

去事之殺也殺所戒反成成三日至之禮反命乎

介因介反命禮卿出聘以大六為上介以士為眾

介禮卿至眾介自是走之齊主書者善其不

以家見逐怨對成踊哭君終臣子之道起時莫能然

也言至櫪者善其得禮於櫪言遂者因介反命是也